



乾陞府聽州縣圖卷

山西

ル 5
1353
5





附 卷 八
1.353
卷 八



山西全圖 統計九府十直隸州七廳

太原府	襄陵	曲沃	翼城	浮山	文水	榆次	太谷	祁	徐溝	平陽府
陽城	交城	洪洞	沁源	沁水	吉州	孝義	鄉寧	平遙	介休	屯留
太原	太原	汾西	石樓	靈石	臨猗	永濟	平遙	右玉	朔州	左雲
太原府	陽高	懷仁	天鎮	廣靈	靈丘	山陰	永寧	右玉	朔州	左雲
太原府	偏關	寧武	神池	五寨	原平	繁峙	代州	崞	陽	平定
太原府	忻州	定襄	繁峙	代州	崞	陽	平定	壽陽	孟陽	壽陽
太原府	平陸	芮城	絳州	聞喜	絳	垣曲	稷	隰	蒲	永和
太原府	平陸	芮城	絳州	聞喜	絳	垣曲	稷	隰	蒲	永和
太原府	平陸	芮城	絳州	聞喜	絳	垣曲	稷	隰	蒲	永和
太原府	平陸	芮城	絳州	聞喜	絳	垣曲	稷	隰	蒲	永和
太原府	平陸	芮城	絳州	聞喜	絳	垣曲	稷	隰	蒲	永和



山西境眾水歸合表

汾水	朱家川	壅谷水	天井水	秦川水	陶水	玉泉水	黃須水	如渾水
蔚汾水	瀉石水	滄水	壺水	梁水	黎水	遼水	細水	武周塞水
燕完水	洛陰水	清溝水	絕水	陽阿水	梁榆水	萬泉水	木馬水	崞川水
羊求水	晉水	麻窟水	陽阿水	秦川水	堯水	南萬泉水	雲中水	清冰河
鄂水	沁澗水	原公水	陽阿水	秦川水	堯水	石梯水	牧馬水	黃水河
龍泉水	咸陽澗水	勝水	陽泉水	秦川水	堯水	石梯水	鹿陽水	木瓜河
石羊水	涇水	義水	陽泉水	秦川水	堯水	石梯水	鹿陽水	馬邑川水
陵水	共水	塔沙水	入澤今改	陽泉水	堯水	石梯水	鹿陽水	
甘泉水	崑崙河	平水	流入沁水	陽泉水	堯水	石梯水	鹿陽水	
離石水	金河	源洞水	流沁水	陽泉水	堯水	石梯水	鹿陽水	
樹頹水	澗水	賀魯水	流沁水	陽泉水	堯水	石梯水	鹿陽水	
奄遇下水	澗水	綿水	流沁水	陽泉水	堯水	石梯水	鹿陽水	
鳩澗水	澗水	華水	流沁水	陽泉水	堯水	石梯水	鹿陽水	
漢水	澗水	蒲水	流沁水	陽泉水	堯水	石梯水	鹿陽水	

黃河

汾水

沁水

漳水

清漳水

潯沱水

濕水

一名桑乾河

乾隆府廳州縣圖志卷十

賜進士及第翰林院編修充

國史館纂修官 臣 洪亮吉撰

山西布政使司

太原府 衝繁難

原額人丁三十二萬三千七百一十七 更名屯丁一千四百九十四 又滋生人丁八千五百七十一 廢藩儀衛人丁六百二十五

禹貢冀州之域周并州之域初為唐國後更曰晉戰國屬趙秦莊襄王四年置太原郡漢高帝六年為韓國十一年為代國文帝二年為太原國元鼎三年國除為太原郡屬并州後漢為并州治晉為太原國永嘉末陷後魏仍曰并州太原郡北齊置省建別宮周置并州六府後廢六府置總管隋開皇初廢郡置河北道行臺九年復改為總管府大業初府廢復曰太原郡唐武

德元年復曰并州置總管府七年改大都督府天授元年置北
都神龍元年罷都開元十一年復置北都改并州為太原府天
寶元年加號北京上元二年罷京寶應元年復曰北都為河東
節度使治五代梁曰并州河東軍後唐同光元年建西京三年
又改北京周時為北漢都宋太平興國四年降為并州嘉祐四
年復曰太原府太原郡河東節度大觀元年升大都督府為河
東路治金曰太原府武勇軍分為河東北路治元太祖十一年
置太原路總管府大德九年改曰冀寧路屬中書省明復曰太
原府

本朝因之為巡撫部院及布政使司按察使司治所分守冀寧
道亦駐此水利清軍同知駐王封村

府境 東西距五百七十里
南北距七百三十里

東至平定州壽陽縣界一百七十里
西至汾州府永寧州界四百里
南至沁州沁源縣界四百七十里
北至忻州崞縣界二百六十里
東南至遼州榆社縣界二百四十里
東北至忻州定襄縣界一百八十里
西南至汾州府平遙縣界二百五十里
西北至保德州界五百里
自府治至京師一千二百里

土貢 鐵 鹽 麻 銅鐵鏡 馬鞍 熊羆 龍骨 麝香
石 鈔 礬 石蜜 煎玉粉屑 五靈脂 栢實
葡萄酒

管縣十州一

陽曲 太原 榆次 太谷 祁 徐溝 交城 文水

崑崙州 嵐 興

陽曲縣 衝繁難郭下 有寶晉錢局成晉凌井二驛百井一
鎮埽峪村一寨陽興一砦巡檢駐石
嶺關

漢晉陽汾陽狼孟三縣地後漢末始移置陽曲縣屬太原郡後魏屬永安郡隋開皇六年改曰陽直十六年又改曰汾陽唐武德七年復名陽曲宋太平興國七年始移并州來治後遂為太原府治

方山在縣東北山形如削

汾水在縣西自忻州靜樂縣南流入又逕太原徐溝交城文水入汾州府界縣境埽谷水瀕石水洛陰水並注汾

狼孟故城在縣東北六十里汾陽故城在縣西北九十里漢孟縣故城在縣東北八十里縣故城在今縣東北李吉甫云陽曲本漢舊縣今忻州定襄縣是也後漢末移于太原縣北四十五里陽曲故城後魏又移于今縣南四里即隋開皇六年所改為陽直也十年又移于今縣東北四十里汾陽故縣改縣曰汾陽

煬帝又改為陽直縣移理木井城今按宋太平興國七年平漢移并州治于陽曲縣三交寨遂為郭下縣七年又移治唐明監即今縣治今後漢陽曲故城在縣東北四十五里木井城在縣東北七十里唐羅陰故城在縣東北七十里燕然故城在縣西北七十里

三交城在縣北十五里李壽云河東有地名三交宋太平興國四年命潘美屯河東三交口

天門關在縣西北六十里又縣東北百二十里有石嶺關為并代雲朔要衝唐武德三年突厥窺晉陽自石嶺以北皆留軍戍之至德中置石嶺軍

太原縣 衝繁東北至府四十里 有晉安一砦

古唐國地春秋為晉陽邑秦置晉陽縣為太原郡治後漢兼為

并州治北齊武平六年分置龍山縣隋開皇十年改龍山曰晉陽改舊晉陽曰太原皆爲并州治唐爲太原府治宋太平興國四年平北漢廢二縣改置平晉縣熙寧三年省入陽曲政和五年復置金貞祐四年又省興定元年復置元屬冀寧路明洪武八年復曰太原縣

懸甕山在縣西南十里一名龍山山海經懸甕之山其上多玉其下多銅其獸多閭麋晉水出焉班固云晉陽龍山在西北晉水所出東入汾今山麓有晉祠祀唐叔虞卽水發源處牢山在縣東北四十五里前趙劉聰遣子粲襲晉陽猗盧救之遂獵牢山陳閱皮肉山爲之赤一名看山出金鉶又蒙山在縣西北五里前趙劉聰征劉琨不克畧晉陽之人踰蒙山而歸潛邱在縣東八里爾雅晉有潛邱宋修惠明寺浮屠陶土作瓦

是邱遂湮

洞渦水在縣東南自平定州壽陽縣西南流入榆次縣界又逕徐溝始至縣及故清源縣界入汾按酈道元李吉甫俱云至晉陽縣南入汾今不同者明萬曆二十九年水道南徙故也又澗河沙河並從縣境注汾

臺駘澤在縣南一名晉澤隋開皇六年引晉水溉稻田周回四十二里今涸

縣故城在今縣東北平晉故城在縣東北二十里明洪武初改爲太原縣移縣治于故唐城南卽今治也魏王泰云故唐城在晉陽縣北堯所築叔虞始封此

東城在縣東新唐書北都左汾右晉汾東曰東城貞觀十一年李勣築兩城之間有中城武后時築以合東城又捍胡城在縣

北三角城在縣西北

榆次縣 衝繁難西北至府六十里

有鳴謙一驛源渴什貼
二鎮谷頭聖賢二寨

春秋晉魏榆邑戰國屬趙曰榆次漢置縣屬太原郡後魏太平
真君九年省入晉陽景明初復置北齊改置中都縣隋開皇初
復曰榆次宋太平興國四年為太原府治七年後仍為屬縣
麓臺山在縣東南李吉甫云俗名鑿臺山今按鑿臺在縣西戰
國策韓魏殺知伯瑤于鑿臺之下即此

涂水有二一曰大涂水至縣東南十五里合小涂水入洞渦水
今名金水河又平坑水木瓜水皆從縣境注洞渦

縣故城在今縣西北漢中都故城在縣東十五里

涂水城在縣西南二十里左傳昭公二十八年知徐吾為涂水
大夫又信都城在縣東十八里北魏時僑置武觀城在縣西南

二十里

太谷縣 衝繁西北至府一百二十里

有范村一鎮杏折一
寨主簿駐范村鎮

春秋時晉大夫陽處父邑漢置陽邑縣屬太原郡後魏太平真
君九年省景明三年復置隋開皇十八年改曰太谷唐武德三
年置太州六年州罷屬并州開元十一年屬太原府

白壁嶺在縣北

陽邑故城在縣東南十五里

箕城在縣東三十五里左傳僖公三十有三年晉人敗狄于箕
副井城在縣西南七里咸陽城在縣西南十里秦伐趙時築洛
漠城在縣西北本名蘿摩亭舊傳亦王翦伐趙時築

馬嶺關在縣東南七十里馬嶺上新唐書嶺上有長城自平城
至魯口三百里貞觀元年廢五代梁伐太原刺史張歸厚自馬

嶺關八卽此

祁縣 衝繁北少東至府一百四十里

有盤陀一驛子洪盤陀團栢賈令四鎮安寨一寨

春秋晉祁邑漢置縣屬太原郡北齊省隋開皇中復置唐初屬太州尋仍屬并州

侯谷水在縣南今名昌源河源出沁州武鄉縣北流逕縣境又西入汾州府界縣境通光水伏罷水皆注侯谷水又昭餘池在縣東南七里卽爾雅昭餘祁也今涸

縣故城在今縣東南後魏徙今治又後魏雲州僑治城在縣東趙襄子城在縣西北七里今日趙城村郃城在縣西南七里一名鵠城沙城在縣西五里禿髮城在縣東北二十里

徐溝縣 衝繁難北至府八十里 有同文一驛故驛一鎮巡檢駐清源

漢榆次縣地唐宋爲清源縣地曰徐溝鎮金大定二十九年始置徐溝縣屬太原府

本朝乾隆二十八年復省清源縣入焉

梗陽故城在故清源縣南左傳昭二十八年魏成爲梗陽大夫

清源故城在縣西南十七里以縣西北有清源水故名

鵝城在縣東南晉陽秋永嘉元年洛陽步廣里地陷有二鵝蒼者飛冲天白者不能飛劉曜以爲己瑞築此城以應之又印駒

城在縣西南漢文帝置牧于此築此城以印駒

交城縣 簡東北至府一百二十里 有水泉石壁二寨巡檢駐故交村

漢晉陽縣西境隋開皇十六年置交城縣屬并州宋太平興國

四年于縣設大通監仍屬太原府金廢監

羊腸山在縣東北一百二十里酈道元云汾陽縣北山漢屯農

積粟在斯謂之羊腸倉山有羊腸坂少陽山在縣西北七十里
山海經少陽之山酸水出焉其上多玉其下多赤銀又狐突山
在縣西北五十里舊出鐵鈔銀山在縣西北一百七十里舊產
銀鉛

文水源出縣西北孝文山南流逕縣西又南流至文水縣東南
入汾水又縣境步渾水塔莎水並注汾

縣故城在今縣北七十里今名故交邨唐天授二年移今治唐

靈川廢縣在縣東北四十五里

馬蘭城在縣北九十里漢魏北齊皆牧馬于此榆城在縣西北

一百三十里

西山冶在縣西北樂史云大通監管東西二冶

文水縣

繁難東北至府一百六十里

有孝義一鎮馬西一寨

戰國趙大陵地漢置大陵縣屬太原郡後魏大平真君九年改
置受陽縣隋開皇十年改曰文水屬并州唐武德三年改屬汾
州六年還屬并州七年又屬汾州貞觀初復故天授元年改曰
武興神龍初復曰文水

謁泉山在縣西南二十五里酈道元云隱泉水出謁泉山又泌
水在縣北八里東南流注文水

柵城渠在縣西北新唐書文水縣西北二十里有柵城渠貞觀
三年民相率引文谷水溉田數百頃又有常渠甘泉渠蕩沙渠
靈長渠千畝渠俱引文谷水溉田數千頃常渠武德三年開餘
並開元二年鑿

大陵故城在縣東北二十五里漢平陶故城在縣西南縣故城
在今縣東十里宋元符間徙今治

大干城在縣南十里本劉淵築令兄延年鎮之其俗謂長兄為

大干故名

崑嵐州

簡東南至府三百二十里

有寒光一寨

春秋晉地後為樓煩所據漢為汾陽縣地後漢建安末為新興郡地後魏為秀容郡地後為嵐州地隋大業中置崑嵐鎮唐長安三年置嵐谷縣屬嵐州神龍二年省開元十二年復置嵐谷縣宋太平興國五年于縣置崑嵐軍熙寧二年省縣入軍元豐六年復置縣金大定二十二年升為崑嵐州元初仍降為縣太祖十六年省縣入管州明洪武七年復置崑嵐縣九年復為州崑嵐山在州東北即管涔山也又州南有崑嵐河源出州東南之馬嶺西流至興縣入黃河又龍王堂水在州東二里東山下長城在州北抵興縣北界後魏書武定元年齊獻武王召夫五

萬于肆州北山築城西至馬陵戍東至土墜李吉甫云隋長城起合河縣北四十里東經幽州延袤千餘里開皇十六年因古

趾修築

嵐縣

簡東南至府二百六十里

有東邨一鎮天村一寨

漢汾陽縣地後漢末新興郡地後魏置嵐州及崑嵐縣隋開皇中州縣俱廢大業八年復置嵐城縣屬樓煩郡唐武德四年改曰宜芳于縣置東會州六年改曰嵐州天寶初曰樓煩郡乾元初復曰嵐州宋亦曰嵐州樓煩郡金天會六年升為鎮西軍節度元至元二年州縣俱省入管州五年復置嵐州明洪武二年降為縣九年屬太原府崑嵐州

崑嵐故城在縣北唐合會廢縣在縣西南三十里今名合會鎮秀容城在縣南此南秀容也今為秀容都北秀容在今朔平府

界李吉甫云劉元海感神而生姿容秀美因以為名

興縣 簡東南至府四百十里

漢汾陽縣地北齊置蔚汾縣屬神武郡隋開皇三年罷郡屬石州大業四年改縣曰靈泉屬樓煩郡唐武德七年改曰臨津屬嵐州貞觀元年又改曰合河金升為興州屬太原路元屬冀寧路明洪武二年降為縣九年屬太原府岢嵐州

本朝雍正三年改屬保德州八年還屬太原府

黃河在縣西五十里自保德州南流入又南入汾州府界蔚汾水在縣境入黃河

合河故城在縣西北五十里唐太和廢縣在縣北

蔚汾關在縣東又縣北有合河關唐開元八年并州長史張說出合河關掩擊叛羌大破之

平陽府 衝繁難

原額人丁二十一萬七千六百三十六更名屯丁三百一十又滋生人丁五千四十二

古帝堯所都禹貢冀州之域春秋屬晉戰國屬韓秦為河東郡地漢高帝元年項羽置西魏國二年屬漢仍為河東郡地三國魏正始八年始分置平陽郡晉永嘉三年為劉淵所都後魏太平真君四年置東雍州太和十八年罷孝昌中復置唐州建義初改曰晉州後周置總管府隋開皇初府罷大業初州廢改郡為臨汾郡義寧初復曰平陽郡唐武德元年復為晉州三年置總管府貞觀六年府罷天寶初復曰平陽郡乾元初仍曰晉州五代梁開平四年置定昌軍貞明三年改建寧軍後唐同光元年改建雄軍宋仍曰晉州平陽郡建雄軍節度政和六年升為平陽府金天會六年升總管府元初曰平陽路大德九年改晉

甯路明洪武初復曰平陽府

本朝乾隆三十五年升霍州為直隸州分趙城靈石屬焉又以

吉州及鄉甯縣來屬

府境

八到

東	西	南	北	東	南	西	北	東	南	西	北
至	至	至	至	至	至	至	至	至	至	至	至
澤州府	沁州府	蒲州府	絳州府	絳州府	絳州府	絳州府	絳州府	沁州府	沁州府	沁州府	沁州府
界	界	界	界	界	界	界	界	界	界	界	界
一百	一百	一百	一百	一百	一百	一百	一百	一百	一百	一百	一百
五	五	五	五	五	五	五	五	五	五	五	五
十	十	十	十	十	十	十	十	十	十	十	十
五	五	五	五	五	五	五	五	五	五	五	五
里	里	里	里	里	里	里	里	里	里	里	里

土貢 銅 鐵 礬 石炭 麻布 蠟燭 黑炭 葡萄 藥

管縣十州一

臨汾 襄陵 洪洞 浮山 太平 岳陽 曲沃

翼城 汾西 吉州 鄉甯

臨汾縣 衝繁難郭下 有建雄一驛泊莊礬山二鎮

春秋晉平陽邑漢置平陽縣屬河東郡後漢為侯國三國魏為平陽郡治後魏太平真君六年併入禽昌太和十一年復置平陽縣隋開皇初改為臨汾縣

平山在縣西南酈道元云平水出平陽壺口山東入汾李吉甫云平山一名壺口按禹貢壺口在今吉州道元等說非也又縣東南有浮山道元云潘水所逕姑射山在縣西山海經姑射之山無艸木多水圖說即古石孔山也

汾水自霍州流入逕洪洞縣至縣西又逕襄陵太平曲沃入絳州界潘水有二源一出襄陵縣東南崇山一出浮山縣南龍角山俱西北流合潘水至縣北注汾水潘水源出浮山縣北黑山

一名黑水山海經牛首之山澇水出焉西流至于滴水

平陽故城在縣西南按白馬故城卽今府治魏刑白馬而築之

故名後魏于白馬故城置禽昌縣則今府治又卽禽昌縣也後

魏西河廢郡在縣西又西河廢縣在洪洞縣西南三十里

高粱城在縣東北左傳僖公九年齊侯以諸侯之師伐晉及高

梁而還武遂城在縣西南西平城在縣西北四十里

襄陵縣難東北至府三十里有趙曲一鎮雕掌一砦

戰國魏襄陵邑漢置縣屬河東郡三國魏屬平陽郡北齊省後

周平齊移禽昌縣來治隋大業二年仍改爲襄陵縣屬臨汾郡

唐初屬晉州元和十四年改屬絳州太和元年又改屬河中府

宋初屬晉州後屬平陽府

白坂在縣西南三十五里姑射山南又南五里卽鄉甯縣之

豁都谷山逕崎嶇明宏治十二年闢爲大路吉陽諸州皆由此

赴太原

縣故城在今縣東南十五里宋移治汾西宿水店又移治晉橋

卽今治

乾壁城在縣東南魏天興五年詔并州諸軍積穀于平陽之乾

壁

狐谷亭在縣西左傳僖公十六年狄侵晉取狐厨

洪洞縣繁渡西南至府五十五里有晉潤一驛郭盆一鎮

周楊侯國春秋晉楊氏邑漢置楊縣屬河東郡晉屬平陽郡後

省後魏太和二十一年復置建義元年屬永安郡隋屬臨汾郡

義甯元年改曰洪洞

澗水有二源一出岳陽縣東北安吉嶺一出岳陽西北堆金里

合而西流至縣南入于汾霍水出霍山西麓西南流至縣北注
汾又南霍渠卽霍水下流唐貞元中開潤源渠在縣東利濟渠
在縣北

楊縣故城在縣東南十五里禽昌故城在縣東南按神廳時置
禽昌郡在北屈真君時改縣乃東徙此至太和時又徙自馬城
縣故城在今縣北六里

浮山縣 簡北至府九十里 有東張一鎮

漢襄陵縣地唐武德二年置浮山縣屬晉州三年改曰神山宋
屬平陽府金大定七年復曰浮山興定四年更名忠孝元復曰
浮山

羊角山在縣南唐武德三年見神人于羊角山下因改縣為神
山又曰龍角山又銀洞山在縣東南四十里西北與龍角山相

連舊傳其下有金銀礦

縣故城在今縣西南十里卽古郭城北魏戍守處

太平縣 衝繁難東北至府九十里 有史村清儲趙康三鎮

漢臨汾縣地後魏太平真君七年析置秦平縣屬平陽郡後周
改曰太平隋初屬晉州後屬絳郡明洪武二年改屬平陽府
秦平故城在縣北二十五里故城鎮有隋時故關又縣東北三

十里有隋時移治故城

岳陽縣 簡西南至府一百二十里

漢置猗氏縣屬上黨郡後漢曰猗氏晉省後魏建義元年置安
澤縣屬義寧郡隋開皇十六年改屬沁州大業初改曰岳陽屬
臨汾郡唐屬晉州元至元四年省復置

沁水在縣東北九十里自沁州沁源縣流入又東南入澤州府

界

縣故城在今縣東宋移今治隋氏故城在縣東南一百里後魏冀氏故城在縣東南一百二十里冀氏鎮安澤故城在縣西北

隋和川故城在縣東北九十里後魏合陽廢縣在縣東北

曲沃縣 衝繁難北至府一百二十里 有侯馬蒙城二驛柴柯侯馬二鎮

春秋晉新田亦曰新絳漢置絳縣屬河東郡後漢曰絳邑縣晉

改屬平陽郡後省後魏太和十一年改置曲沃縣屬正平郡隋

屬絳郡明洪武二年改屬平陽府

絳山在縣西南二十里舊出銅鈔酈道元云絳縣南對絳山

蒙坑在縣北四十里魏書安同進計魏主曰汾東有蒙坑東西

三百餘里逕路不通云云後果大敗姚興于蒙坑之南五代史

王峻軍出自絳州前鋒報過蒙坑峻喜曰蒙坑晉絳之險劉晏

不分兵阨此吾知其必敗也

天井水在縣北酈道元云天井水出東陘山西西流入汾

絳邑故城在縣西南縣故城在今縣南隋開皇十年移今治核

古曲沃今聞喜縣杜祐以今之曲沃為春秋時曲沃邑誤

陘庭城在縣西北十里左傳桓公二年哀侯侵陘庭之田白起

傳謂之逕城范睢傳謂之汾陘皆此地

鐵嶺關在縣西南五十里五代晉置今名隘口邨一名厄口

翼城縣 難西北至府一百二十里 有龍化一鎮

春秋晉都翼邑亦曰故絳漢絳縣地後魏太和十二年置北絳

縣孝昌三年兼置北絳郡隋開皇初郡廢十八年改縣曰翼城

屬絳郡義寧元年置翼城郡唐武德元年改郡曰澮州二年曰

北澮州四年州廢縣仍屬絳州天祐二年改曰澮川縣宋復曰

翼城金興定四年升為翼州元化二年又升翼安軍節度元初州廢復曰翼城縣屬絳州明洪武二年改屬平陽府

澮山在縣東南十五里一名詳高山亦曰河南山出鐵隋置平泉冶又縣北三十里有蜀山唐銅源監置此又北十里有小銀山金大定時曾出銀故名烏嶺山在縣東北六十五里接澤州府沁水縣界樂史云山南北有長嶺嶺上東西有通道穆天子傳云鈺鐙卽此也酈道元謂之東陁山

澮水源出澮山西逕縣南又逕絳縣至曲沃縣南入絳州界酈道元云澮水西逕翼城南又西南合黑水又西南與賀水高泉水紫谷水女家水合謂之澮交又西南與絳水合入汾水被黑水以下五水皆在縣境

縣故城在今縣東南三十五里北絳故城在縣東二十里後魏

小鄉故城在縣西二里

唐城在縣西魏王泰云堯裔子所封又岳陽縣東北亦有唐堯城晉城在縣東南十五里熒庭城在縣東南七十五里左傳襄公二十三年齊侯伐晉入孟門登太行張武軍于熒庭又皮牢城在縣東三十里史記趙成侯十三年魏敗我澮取皮牢

汾西縣 簡東南至府一百八十里

有仁義一驛乾河一鎮

漢彘縣地後漢以後為永安縣地北齊分置臨汾縣兼置汾西郡隋開皇初郡廢十八年改縣曰汾西屬晉州大業初屬臨汾郡唐武德初屬呂州貞觀十年屬晉州宋屬平陽府金貞祐三年改屬霍州明屬平陽府

本朝雍正二年分屬隰州九年還屬

後周新城廢縣在縣西北

吉州

繁東至府一百七十里

有三坵一鎮牛心南山溝二

春秋晉屈邑漢置北屈縣屬河東郡晉改屬平陽郡後魏延興四年改置定陽縣兼置定陽郡屬汾州東魏天平元年千郡置南汾州後周改汾州北齊復曰南汾州周平齊曰西汾州置總管府隋開皇元年改為武成郡三年郡廢四年府廢十六年改為耿州十八年復曰汾州改縣曰吉昌大業初改置文成郡唐武德元年復為汾州五年曰南汾州貞觀八年改為慈州天寶元年復曰文城郡乾元元年復曰慈州五代唐避祖諱改縣曰吉鄉宋熙寧五年州廢以縣置吉鄉軍屬隰州元祐元年復置慈州金天德三年改曰耿州置文成郡軍明昌元年改曰吉州元至元二年省州治吉鄉縣入州明屬平陽府本朝雍正二年升為直隸州乾隆三十五年仍屬平陽府

壺口山在州西南尚書禹貢既載壺口班固云北屈縣禹貢壺口山在東南又孟門山在州西山海經孟門之山上多金玉下多黃堊涅石淮南王書龍門未闢呂梁未鑿河出孟門之上名曰洪水風山在州北酈道元云上有穴如輪風氣蕭瑟習常不止當其衝飄畧無生艸

黃河在州西從隰州大寧縣南流入又南逕鄉寧縣西南入絳州界州境燕完水羊求水皆注河

後魏文城故城在州西北六十里北屈廢縣在州東北五城廢縣在州東北六十里

耿城在州南隋金置耿州取此姚襄城在州城西五十里柘定城在州東北六十里

鐵冶在州東一百五十里新唐書慈州吉昌昌寧皆有鐵

鄉寧縣

簡東北至府二百二十里

有營裏一鎮袁達一寨

漢北屈縣地後魏延興四年置昌寧縣屬定陽郡東魏分置中陽郡隋開皇初郡廢屬文城郡唐屬慈州五代唐避諱改曰鄉寧宋熙寧五年省入襄陵縣元祐元年復置金屬吉州元至元三年省入吉州後復置

本朝先屬吉州乾隆三十五年屬平陽府

馬頭山在縣東南八十里與絳州稷山縣接界又兩乳山在縣西南七十里

鄂水在縣東西南流入于河又縣境羅峪等水皆注鄂水

昌寧故城在縣西四十里宋皇祐三年移今治漢廢騏縣在縣

東南唐呂香廢縣在縣東北八十里

鄂城在縣南一里左傳翼九宗五正頃父之子嘉父逆晉侯于

隨納諸鄂晉人謂之鄂侯又倚梯城在縣西南八十里

潞安府

繁難

原額人丁二十萬七千五百四十六
又滋生人丁二千九百七十八

禹貢冀州之域商周時為黎國春秋時為赤翟潞子國後屬晉戰國屬韓為別都曰上黨秦并天下置上黨郡後周宣政元年始于郡置潞州隋開皇初郡廢大業初復曰上黨郡唐武德元年復曰潞州二年置總管府貞觀元年府廢八年置大都督府天寶初復曰上黨郡至德元載置上黨節度使乾元元年復為潞州建中元年為昭義軍節度使治所五代梁龍德二年晉王改安義軍後唐同光元年梁復改匡義軍尋復曰安義軍長興元年復曰昭義軍宋太平興國初改昭德軍節度建中靖國元年改隆德軍崇寧三年升為隆德府金復曰潞州仍為昭德軍

節度元初曰隆德府太宗三年復為潞州明嘉靖八年升為潞安府

本朝因之同知駐大義鎮

府境

八到

東	西	南	北	東	南	西	北	東	南	西	北
至	至	至	至	至	至	至	至	至	至	至	至
澤	平	平	平	澤	澤	澤	澤	澤	澤	澤	澤
州	陽	陽	陽	州	州	州	州	州	州	州	州
府	府	府	府	府	府	府	府	府	府	府	府
界	界	界	界	界	界	界	界	界	界	界	界
一	一	一	一	一	一	一	一	一	一	一	一
百	百	百	百	百	百	百	百	百	百	百	百
七	七	七	七	七	七	七	七	七	七	七	七
十	十	十	十	十	十	十	十	十	十	十	十
里	里	里	里	里	里	里	里	里	里	里	里

土貢

銅 鐵 磁器 綾綢 麻布 石蜜 墨 紫艸

長理石 赤石脂 不灰木

管縣七

長治 長子 屯留 襄垣 潞城 黎城 壺關

長治縣

繁難郭下

有龍泉太平二驛韓店入義高河三鎮縣丞駐西水鎮

本黎侯國漢置壺關縣屬上黨郡後漢末為郡治後魏置中復為上黨郡治隋開皇中置上黨縣大業初仍為郡治唐為潞州治明洪武二年省縣入州嘉靖八年復置改曰長治

壺山在縣東南跨壺關縣界一名壺口山山下有壺口關又縣東南有鷄鳴山鷄鳴水出此北流合陶水

陶水源出縣南六十里雄山西北流至長子縣界入漳水又黎水在縣西南二十五里黎侯嶺下俗名黑水河北流合石子河

注漳

壺關故城一在縣東南十六里漢縣也一在今壺關縣東南五十里後魏置

黎城在縣西南左傳宣公十五年潞鄆舒奪黎氏地晉滅潞立

黎侯而還按魏收及魏王泰以今黎城縣地爲黎侯國或卽滅潞後所立之黎也夾寨城在縣西十三里梁開平元年李思安至潞州城下更築重城謂之夾寨

長子縣

衝東少北至府五十里

有漳澤一驛鮑店一鎮

周初史辛甲所封地春秋晉長子邑漢置縣爲上黨郡治後漢末移郡治壺關以縣屬焉晉太元中西燕慕容永都此北齊廢隋開皇九年復置曰寄氏縣十八年復曰長子

發鳩山在縣西五十餘里一名發苞山一名鹿谷山山海經發鳩之山漳水出焉淮南王書濁漳水出發苞許慎注發苞一名鹿谷班固云濁漳水出鹿谷山也慶雲山在縣東南二十里上黨記帝堯將興有五色雲出此山羊頭山在縣東南五十里漢書王莽命尉睦侯王嘉曰羊頭之阨北當燕趙山產秬黍其南

陰地黍白其北陽地黍紅宋明兩朝嘗取之以定樂律

刁黃嶺在縣西五十里與發鳩山相連唐會昌三年劉稹以澤潞叛使其將李佐堯守彫黃嶺樂史云亦名發襄山漳水出焉武訖嶺在縣南四十五里風土記秦趙戰于長平趙軍敗退秦將白起逐至此名武訖嶺又雕窠嶺在縣西南江豬嶺在縣西南四十里

濁漳水自發鳩山東流逕縣南五里又東北流逕長治屯留潞城襄垣黎城又東出太行達河南林縣界一名潞川周禮職方氏冀州川曰漳浸曰汾潞縣境梁水繖蓋水堯水雍水並注漳秦川水至澤州府沁水縣注沁

後魏樂陽故城在縣西南縣故城在今縣城西金天會九年徙今治

應城傾城並在縣東南辛城在縣東十九里青城在縣南三十里

屯留縣衝東南至府六十里 有余吾一驛寺底豐儀二鎮桑澤一寨

春秋赤狄留吁地後屬晉謂之純留漢置屯留縣屬上黨郡北

齊廢隋開皇十六年復置元至元三年省入襄垣縣十五年復

置仍屬潞州

絳水源出縣西南八十里盤秀山陰一名鹿瀆山一名方山東

北流至潞城縣入漳班固云屯留桑欽言絳水出西南東入漳

又藍水出盤秀山陽東流至長治縣注漳水經注以為絳水按

酈注有絳水而無藍水其絳水所行之道皆今藍水也而別有

陳水則今絳水所行之道與今之方志並不合惟魏收書有絳

水又有藍水與今水道畧同縣境疑水高麗水蒲谷水三峻水

並注絳積石水注漳

純留故城在縣南十三里漢余吾故城在縣西後魏寄氏故城

在縣西南七十里

襄垣縣衝南少東至府九十里 有虎亭一驛東周下良二鎮

漢置縣屬上黨郡後魏初屬鄉郡建義元年置襄垣郡治焉北

齊郡廢後周建德六年置韓州隋大業初州廢唐武德元年復

置韓州貞觀十七年州廢屬潞州

鹿臺山在縣南酈道元云漳水厯鹿臺山與銅鞮水合今考銅

鞮水自沁州流入在縣南十里合濁漳縣境雍子水下谷水 井

羅水涅水並注濁漳

縣故城在今縣北唐武德元年徙今治後魏建義廢縣在縣南

安民城在縣北十里甯城在縣北二十里石勒城在縣東五十

里

下虎聚在縣西古銅鞮縣地班固云銅鞮縣有上虎亭下虎聚
井谷關在縣東南天井谷內李吉甫云深邃似井故名又五嶺
關在縣西南七十里

潞城縣

簡西南至府四十里

有神頭黃碾羊圍三鎮巡檢
二駐石城填虹梯關

春秋潞子國漢置潞縣屬上黨郡晉為郡治後魏貞君十一年
廢入刈陵縣隋開皇十六年置潞城縣屬潞州唐天祐二年改
名潞子五代唐復曰潞城

黃阜山在縣西三十里劉聰將荼母翽敗晉將崔恕于黃阜又
三垂山在縣西南五代史李克用破孟方立還軍上黨置酒三
垂岡卽此

潞縣故城在縣東北四十里平順故城在縣東南三十五里明

嘉靖八年分置

本朝乾隆二十九年仍併入潞城

微子城在縣東潞河源出于此西北流入漳水按此以在潞地
故蒙潞名非正潞水也石梁在縣北四十里卽春秋時曲梁
黎城縣 簡西南至府一百十里 有九龍山一寨

漢潞縣地後魏貞君十一年置刈陵縣屬襄垣郡隋開皇十八
年改曰黎城屬潞州唐天祐二年改曰黎亭五代唐復故宋熙
寧五年省入潞城縣元祐元年復置

清漳水在縣東北自遼州流入又東入河南涉縣界縣境玉泉
水注清漳黃須水注濁漳

縣故城在今縣西北十里宋天聖三年徙今治

古壺關在縣東北二十八里太行山口吾兒峪左傳哀公四年

夏伐晉取壺口卽此一名孟口又臺壁在縣西南十里酈道元云本潞子所立

壺關縣簡西北至府三十里有馮坡一鎮好半一寨

漢壺關縣地後魏太和十三年改置于此屬上黨郡隋大業初省入上黨縣唐武德四年復置

抱犢山在縣東南一百十里紫團山在縣東南一百六十里出人參紫艸

羊腸坂在縣東北史記如耳謂成陵君曰昔者魏伐趙斷羊腸班固云壺關縣有羊腸坂

沾水在縣東南班固云壺關有沾水東至朝歌入淇又壺水出壺山北流至長治縣注濁漳

乾隆府廳州縣圖志卷十一

賜進士及第翰林院編修充 國史館纂修官 臣 洪亮吉撰

山西布政使司

汾州府 衝繁難

原額人丁一十九萬八千三百一十三
又滋生人丁共三千四百二十

秦以前同太原府漢屬太原郡三國魏黃初二年置西河郡晉曰西河國永興後廢後魏太和八年復置西河郡屬汾州孝昌中移汾州來治北齊改曰南朔州後周改曰介州隋開皇初郡廢大業初復曰西河郡唐武德元年改曰浩州三年復曰汾州天寶初復曰西河郡乾元初復曰汾州五代末屬北漢宋曰汾州西河郡金天會六年置汾陽軍節度元初立汾州元帥府至元二年復曰汾州明萬曆二十三年升為汾州府

本朝因之分防同知駐介休縣張難鎮

府境 東西距四百三十里

八到 東至太原府神縣界一百四十里

西至陝西吳堡縣界二百九十里

南至太原府靈石縣界六十里

北至太原府文水縣界四十里

東南至沁州治二百六十里

西南至隰州治二百七十里

東北至神縣治一百二十里

西北至陝西葭州治三百九十里

自府治至京師一千三百八十里

土貢 布 鐵 席 氈 蜜 蠟 石膏 麝香 松木 藥

管縣七州一 汾陽 孝義 平遙 介休 石樓 臨 永寧州

寧鄉 汾陽縣繁難郭下 有汾陽一驛郭柵陽城二鎮巡檢駐冀

漢置茲氏縣屬太原郡三國魏于此置西河郡晉改縣曰隰城

為西河國治後魏太延中改縣曰什星軍太和八年復曰隰城

仍為郡治孝昌中兼為汾州治唐上元元年改縣曰西河明洪

武初省縣入州萬曆二十三年復置汾陽縣為汾州府治

黃樞嶺在縣西北六十里接永寧州界北齊天保三年文宣帝

自并州幸離石至黃樞嶺起長城北至社平戍四百餘里置三

十六戍 汾水自太原府文水縣流入縣境東岸為平遙縣又南流逕孝

義介休入霍州靈石縣界文水在縣東十里按酈道元注文水

流入今汾陽縣界滙為文湖又流入今孝義縣界注汾今考文

水在文水縣界內入汾汾州府無復有文湖矣縣境有清溝水

麻窟水原公水並注汾

美稷廢縣在縣西北漢美稷在今廢勝州西後漢中平中南徙于茲氏界

牧師城在縣西北漢牧苑在故美稷後移置于縣境其地廣斥宜畜牧宋治平中崔台符按汾州得牧地三千二百頃明年移沙苑馬五百匹牧焉即此地又潞城在縣東陽城在縣南祝融城在縣北八門城在縣北劉淵遣將喬嵩攻西河築營自固營有八門故名

孝義縣繁北少西至府三十五里有溫泉鳳尾二鎮遼壁一寨

漢茲氏縣地三國魏移置中陽縣屬西河郡晉永嘉後省入隰城後魏太和十七年分置永安縣永安中又置顯州及建平等四郡北齊後周時州郡皆廢隋仍曰永安縣唐屬汾州貞觀元年改曰孝義因縣人鄭興有孝義故名宋太平興國元年改曰

中陽後復為孝義熙寧五年省入介休元祐元年復置

狐岐山在縣西八十里酈道元云勝水西出狐岐山東合陽泉水文水入汾又縣境義水注汾吐京水板峪水並注勝水

永安故城在縣東南顯州故城在縣西舊名六壁城後魏溫泉故城在縣西吐京僑郡在縣西二十里吐京村唐高唐廢縣在縣西

左部城在縣南前趙錄魏武帝分匈奴左部居茲氏酈道元云其城側臨汾水蓋劉淵為晉都尉時所築又圍城虞城在縣西北東多城在縣北二十里

平遙縣衝繁難西至府八十里有洪善一驛上店一鎮西泉山一寨

漢置京陵縣屬太原郡後魏徙置平陶縣於此改曰平遙隋屬西河郡唐武德元年屬介州貞觀元年屬汾州元初屬太原府

至元二年還屬

謁戾山在縣東南四十七里一名麓臺山又名蒙山中都水出焉山海經謁戾之山陰侯之水出其陰即中都水也酈道元又謂之嬰侯水西流至介休縣鄔城泊入汾縣境源祠水賀魯水並注汾沙河注中都水

鄔城泊在縣西南跨介休縣界即古昭餘祁藪一名鄔澤班固云鄔縣九澤在北是為昭餘祁并州藪

京陵故城在縣東漢中都故城在縣西北春秋晉中都邑後魏蔚州故城在縣北二十五里隋清世廢縣在縣東二十里

思歸城在縣東三十里前趙錄劉淵攻劉琨于太原築壘拒守因思歸而夜遁故名又來城在縣西三十五里羌城在縣西北四十里

介休縣

衝繁難西北至府七十里

有義棠一驛張難一鎮劉屯一寨

漢置界休縣屬太原郡晉曰介休改屬西河國後省後魏太和八年復置孝昌中僑置定陽郡東魏兼置平昌縣後周改郡曰介休省介休縣入平昌隋開皇初郡廢十八年又改平昌曰介休義甯元年復于縣置介休郡唐武德元年改曰介州貞觀元年州廢屬汾州元初屬太原府至元二年還屬

介山在縣南四十里即介之推隱處山下地名綿土亦曰綿山左傳僖公二十四年晉侯求介之推不獲以綿上為之田酈道元云綿水源出介休縣綿山西流注汾

雀鼠谷在縣西南陳太建八年周伐齊遣齊王憲將兵二萬守雀鼠谷又東嶽谷在縣東南四十里西嶽谷在縣南三十里西谷水東谷水流合于此

千畝原在縣南史記周宣王三十九年戰于千畝度索原在縣東南介山下

縣故城在今縣東南後魏徙今治漢平周故城在縣西鄔縣故城在縣東北二十七里左傳昭二十八年司馬彌牟爲鄔大夫隨城在縣東春秋時晉邑左傳隱公五年曲沃莊伯伐翼翼侯奔隨後爲士會食邑又武城在縣東四十五里板橋城在縣西北十八里

石樓縣

簡東少北至府二百五十里

漢置上軍縣屬西河郡後漢省後魏真君九年置嶺西縣兼置吐京郡太和二十一年改縣曰吐京隋開皇初郡廢屬隰州十八年改曰石樓大業初屬龍泉郡唐武德二年於縣置西德州貞觀元年州廢屬東和州二年屬隰州明萬曆四十年改屬汾

州府

石樓山在縣東南蒲川水出焉漢永和六年中郎將張耽度遼將軍馬續擊烏桓于通天山大破之卽石樓山也

龍泉水在縣東今名屈產水源出縣東南西北流入河樂史云卽春秋時屈產蓋此地生良馬也又石羊水在縣西南酈道元云水導源窮谷西流注于河

唐長壽廢縣在縣東五里長壽村臨河廢縣在縣東六十里

臨縣

難東南至府三百二十里

有三交一鎮剋狐一寨

漢離石縣地後周大象元年置烏突縣及烏突郡隋開皇元年改郡縣俱曰太和三年郡廢屬離石郡唐武德三年置北和州尋改縣曰臨泉貞觀三年州廢屬石州宋元符二年改置晉寧軍金還屬石州又改縣曰臨水元中統二年仍曰臨泉至元三

年升為臨州明初降縣屬太原府萬曆二十三年改屬招賢山在縣東南八十里出鐵又東南十里有馬頭山出鉛車突谷在縣北後魏太和十七年吐京寇叛汾州刺史元彬擊破之千車突谷

黃河自太原府興縣南流入縣西又逕永寧州及寧鄉石樓入隰州永和縣界縣境陵水甘泉河等並注河

臨泉故城在縣西四十里元至元十六年移今治
永寧州 衝東南至府一百七十里

有玉亭吳城青龍三驛
吳城柳林永安三鎮
檢二驛柳林方山堡

戰國趙離石邑漢置離石縣屬西河郡後漢永和五年徙西河郡來治靈帝末郡縣俱廢三國魏黃初三年復置離石縣晉初屬西河國永興初為劉淵所據大興元年石勒置永石郡後燕

置離石護軍後魏置離石鎮北齊置懷政郡天保三年改離石鎮為昌化縣兼置西汾州後周建德六年改州曰石州改郡縣俱曰離石隋開皇初郡廢大業初廢州為離石郡唐武德初復為石州五年置總管府貞觀二年罷天寶初改昌化郡乾元元年復曰石州宋曰石州昌化郡金曰石州元中統二年省離石縣入州三年復置為州治明洪武三年仍省縣入州隆慶元年改為永寧州萬曆二十三年改屬汾州府

離石山在州北二十里離石水出焉西南流合東南二川水入河一名呂梁呂氏春秋龍門未闢呂梁未鑿河出孟門之上是也李吉甫云離石山今名赤洪嶺高歡大破爾朱兆于赤洪嶺即此又州東北五十里有九鳳山石晉時嘗禱雨于此州北七
十里有黑龍洞山出鉛鑛

漢蘭縣故城隰城廢縣後周定胡故城在州西漢皋狼故城在州西北隋方山故城在州北一百四十里

盧城在州東晉并州刺史劉琨所築以攻劉曜又三角城在州北左國城在州東北二十餘里

孟門關在州西一百二十里孟門鎮周大象元年置孟門津隋開皇六年改曰孟門關

甯鄉縣 簡東至府一百四十里 有鋤鉤一鎮吳起一寨

戰國趙中陽邑漢置中陽縣屬西河郡後漢省入離石後周宣帝分置平夷縣隋屬離石郡唐已後屬石州金明昌六年改曰甯鄉元太宗九年改屬太原路定宗三年還屬石州明屬汾州府

甯鄉水在縣北一名清水河北流入永甯州北名南川河合離

石水

中陽故城後周盧山廢縣並在縣西隋修化廢縣在縣西北舊縣在今縣東

大同府 衝繁難

原額人丁四萬五千二百二十二經制軍一百七十九隨侍丁八百七十三又涉生人丁一千八百三十七

禹貢冀州之域周并州地戰國屬趙秦雁門郡地漢為雁門郡東部都尉後漢末廢晉永嘉五年封拓跋猗盧為代公遂有其地後魏天興中徙都于此置司州牧及代尹延和元年改萬年尹太和十七年遷都洛陽改曰恒州代郡孝昌中廢北齊天保七年復置恒州并置安遠臨塞威遠臨陽等郡周平齊州郡並廢隋為馬邑郡地唐武德二年置北恒州七年廢貞觀十四年改置雲州永淳元年廢開元十八年復置天寶初改曰雲中郡

乾元初復曰雲州會昌三年置大同都團練四年升為都防禦使乾符五年升為節度使中和二年更為雁門節度使徙治代州五代唐同光二年復置大同節度使晉天福初割入契丹遼重熙十三年建為西京升大同府宋宣和五年來歸改曰雲中府尋入金復為西京路大同府元至元二十五年改西京曰大同路明洪武五年置山西行都指揮使司七年改為大同府本朝因之理事同知駐豐鎮糧捕通判駐陽高轄下巡檢駐大莊村

府境 東西距二百六十里 南北距二百四十三里 東至直隸懷安縣界二百十里 西至朔平府左雲縣界五十里 南至代州繁峙縣界一百六十里 北至得勝堡口外邊牆八十三里 東南至直隸蔚州界一百二十里 西南至左雲縣界一百二十里

土貢 銅 鐵 瑪瑙 石綠 綠礬 花斑石 凝水石 礪 玉沙 鹽 雕翎 犛牛尾 白驪 羊馬 松實 大 韭 神護 神州 地簞 安息香 藥

管縣七州二

- 大同 懷仁 渾源州 應州 山陰 陽高 天鎮 廣靈 靈丘

大同縣 衝繁難郭下 有襄城聚樂二驛得勝一塔開山一漢置平城縣屬雁門郡為東部都尉治後漢末廢三國魏復置屬新興郡晉屬雁門郡後魏天興中建都延和元年改曰萬年太和十七年復曰平城孝昌中廢北齊天保七年置恒安鎮尋改置太平縣後周改曰雲中隋改為雲內唐貞觀十四年改置

定襄縣為雲州治永清元年州縣俱廢開元十八年置雲中縣
遼重熙十七年析雲中置大同縣元至元二年省雲中入大同
紇真山在縣東亦名紇干山李吉甫云蕃語紇真漢言三十里
也山下有青坡道白登山亦在縣東一名白登臺漢書匈奴傳
高帝自將兵擊冒頓先至平城冒頓縱精兵圍高帝于白登七
日服虔注白登去平城縣七里又火山在縣西五里上有火井
野狐嶺在縣西北二十里元史木華黎從太祖伐金金兵四十
萬陣野狐嶺北

如渾水在縣東北四十里自塞外南流入又南至縣東南入桑
乾河今名御河

旋鴻池在縣北邊墻外後魏書太和十八年八月車駕次旋鴻
池又靈泉池在縣城北太和九年六月幸方山遂幸靈泉池

平城故城在縣東城邑考今大同城東五里無憂陵上有平城
外郭南北宛然相傳後魏時故址漢班氏故城在縣東南疆陰
故城在縣西北塞外後魏禰鴻故城在縣北塞外一作旋鴻唐
定襄故城在縣西北二十八里遼奉義故城在縣北後魏平齊
廢郡在縣西三十里永固廢縣在縣北

長城在縣北一百四十里亘天鎮陽高二縣北東接直隸宣化
界西接朔平府界史記趙肅侯十七年築長城從雲中以北至
代魏書太宗泰常八年築長城于長川之南起自赤城西至五
原延袤二千餘里燕昌城在縣北晉書慕容垂過平城北三十
里築燕昌城而還

後魏永固陵在縣北方山上酈道元云方嶺上有文明太皇太
后陵陵之東北有高祖陵二陵之南有永固堂

懷仁縣

衝東北至府七十里

有西安一驛安宿峒一鎮偏嶺大峪鴉鴿三口

漢平城縣地隋雲內縣地唐雲中縣地遼析置懷仁縣屬大同府金貞祐二年升為雲州元復曰懷仁縣

清涼山在縣西十五里舊有利國鐵冶又蘆子山在縣西南十五里錦屏山在縣西二十五里並舊有鐵冶

武周川水自朔平府左雲縣東流入縣北又東南流至大同縣東南入御河今名十里河又武周塞水在縣南七十里東流至縣東南注桑乾河

雲內故城在縣西南五十里縣故城在今縣治西金貞祐二年徙今治

日中城在縣西南五十里鷄鳴城在縣南三十里即故早起城酈道元云武周塞水逕日沒城南又東有日中城城東又有早

起城亦曰食時城

渾源州

衝西北至府一百二十里

有上盤一驛李峪一口巡檢駐王家莊堡

漢置崞縣屬雁門郡晉永嘉五年割入于代後魏改為崞山縣太平二年改屬繁峙郡後周廢隋為雲內縣地唐為雲中縣地唐末分置渾源縣屬應州五代晉初隨州入遼金貞祐二年于縣置渾源州元至元四年省渾源縣入州屬大同路

恒山在州東南二十里酈道元云崞山縣南北元嶽按恒山自漢地理志以下皆云在上曲陽尚書周禮疏亦云自漢宣帝神爵元年祀北嶽常山于曲陽唐宋祀典皆在定州至宋始有恒山沒于遼從曲陽縣望祀之說明人乃定渾源之元岳為恒山宏治六年馬文升請釐正祀典乃修治渾源州舊廟而秩祀尚在曲陽

本朝順治十七年始改岳祭于渾源今州南二十里有北嶽廟
高氏山在州南氏一作是山海經高氏之山滹水出焉酈道元
云山上有石銘題言冀州北界故世謂之石銘陁封龍山在州
西南四十五里後魏書泰常二年司馬順之入常山遂聚黨于
封龍山

滹水在州南源出翠屏山東南流逕靈巨縣又東南入直隸廣
昌縣界卽古嘔夷水周禮職方并州川曰嘔夷班固云靈巨縣
滹河東至文安入大河過郃五行九百四十里并州川縣境溫
泉水入滹又崞川水在州北今名渾河源出歎土峪又西逕應
州龍首山折北注桑乾河縣境李峪水神溪水等六水皆注渾
河
漢崞縣故城在州西唐末遷治東境卽今州治繁峙故城亦在

州西

應州

衝北至府一百二十里

有安銀子一驛安邊一鎮北樓大石茹越龍灣四口巡檢駐安東

漢置劇陽縣屬雁門郡晉省後魏爲桑乾郡地隋爲馬邑郡地
唐爲馬邑縣地五代唐明宗置金城縣兼置應州天成元年升
爲彰國軍節度晉天福元年入遼屬西京道宋宣和五年屬雲
中路尋入金亦曰應州彰國軍節度元曰應州屬大同路明初
省金城縣入州

白狼堆在州西北

石峪水在州東南三十里有大石峪小石峪合而北流逕州城
東北又北合渾河入桑乾河又清水河黃水河木瓜河皆從州
境注桑乾河

州故城在今州東劇陽故城在州東北

大石口在州南三十里與繁時縣接界

山陰縣衝東北至府一百四十里

有山陰一驛巡檢駐岳岳岳

漢置涅陶縣屬雁門郡晉後省隋為善陽縣地唐為馬邑縣地

遼置河陰縣屬朔州清寧中改屬應州金大定七年改為山陰

縣貞祐二年升為忠州元至元二年并入金城縣後復置仍屬

應州明屬大同府

黃花山在縣北即古黃瓜堆後魏書穆帝六年于湮水之陽黃

瓜堆築新平城一名黃花城

桑乾水自朔平府馬邑縣東北流入縣界又逕應州大同陽高

天鎮入直隸懷安縣界自應州以東亦稱濕水

涅陶故城在縣東後魏桑乾廢郡在縣南縣故城在今縣西南

十五里元復置縣時移今治

陽高縣衝西南至府一百二十里

有陽和威甯虎峪白括峪四口

漢置高柳縣屬代郡為西部都尉治後漢為代郡治漢末縣廢

晉復置後魏永熙中于縣置高柳郡北齊郡縣俱省遼置長青

縣屬大同府金大定七年更名曰白登元屬大同路明洪武初

省三十一年改建陽和衛屬山西行都指揮使司嘉靖二十六

年設大同東路

本朝改曰陽高衛順治六年移大同府治于此八年還故治雍

正三年改衛為縣

雁門山在縣西北邊城外山海經碣石之山又北水行五百里

至于雁門之山郭璞注在高柳北又縣東有蟠羊山

參合坡在縣東北邊城外魏書昭帝分國為三部以文帝長子

桓帝猗玁統一部居代郡之參合坡北十年桓帝大破劉淵乃于參合坡西累石爲亭樹碑以記

雁門水源出縣西北邊牆外東南流入縣北又逕天鎮縣境東流入直隸懷安縣界又敦水在縣南山海經少咸之山敦水出焉東流注于雁門之水

漢道人故城在縣東南參合故城在縣東北白登故城在縣南二十五里白登村平邑故城在縣西南高柳故城在縣西北

天鎮縣 衙西南至府一百八十四里 有榆林白羊二口

漢置陽原縣屬代郡後漢省後魏道武帝置廣牧縣後爲塞外地唐置天成軍遼置天成縣屬大同府元省明洪武三十一年置天城衛屬山西行都指揮使司本朝改曰天鎮衛雍正三年改衛爲縣

于延水在縣北一名修水源出縣北邊牆外又東南流入直隸懷安縣界山海經梁渠之山修水出焉班固云且如縣于延水出北塞外東至廣寧入治縣境延鄉水注修水託台谷水注雁門水

白水灤在縣西北遼史天祚保大元年三月聞金師將出嶺西遂趨白水灤又羊城灤在縣北

陽原故城在縣南延陵故城且如故城並在縣北邊牆外金陽門廢縣在縣東

長川城在縣北邊牆外魏書太祖始率所部北居長川又柔元鎮在縣東北邊牆外孝文帝太和十八年幸柔元鎮

廣靈縣 簡西北至府二百四十里 有直峪林關火燒樺澗四口

漢置平舒縣屬代郡後魏孝昌中陷天平中復置兼置上谷郡

治焉北齊省入靈丘縣唐爲興唐縣地五代後唐同光初析置廣陵縣屬蔚州金改曰廣靈

本朝雍正三年改屬大同府

祁夷水在縣南關外鄭康成以此爲嘔夷川今名壺流河源出縣西三十里東流入直隸蔚州界班固云平舒縣祁夷水北至桑乾入治

平舒故城在縣西十里平水邨南卽舒字之譌也漢犽水廢縣在縣西北

開皇長城在縣南山巔隋開皇中築李吉甫云西自繁峙縣經

靈丘縣北七十里東入飛狐縣界

靈丘縣衝西北至府二百七十里有太自一驛石門一口

漢置縣屬代郡後漢省後魏復置天平二年兼置靈丘郡後周

又置蔚州隋開皇三年郡廢大業二年州廢屬雁門郡唐武德六年復置蔚州僑治陽曲縣七年僑治繁峙縣八年僑治秀容之北恒州城縣皆隨州寄治貞觀五年破突厥復故地還治靈丘縣天寶初移蔚州治安邊縣以靈丘屬焉金貞祐二年升爲成州四年割爲代州支郡元復曰靈丘縣屬蔚州

本朝雍正三年屬大同府

隘門山在縣東南周二十里酈道元云澹水自縣南流入峽謂之隘門設隘于峽以讖禁行旅枚回山在縣西李吉甫云茲水出枚回山東流入唐河又太白山在縣南十里縣故城在今縣東十里後周大昌故城在縣南後魏莎泉故城在縣西

朔平府衝繁難

原額人丁二萬六千五百五十八經制軍一百七十七
又滋生人丁一千三百五十八

秦以前同大同府漢置雁門郡後漢建武二十七年改為定襄郡靈帝末廢後魏天平二年置善無郡北齊省隋為馬邑郡地唐以後為朔州地明洪武二十五年置定邊衛後裁永樂七年設大同右衛正統閒改右雲衛

本朝改右玉衛雍正三年置朔平府鎮守將軍暨副都統二員領滿洲兵駐此通判駐甯遠

府境 東西距二百三十五里 南北距三百五十五里

八到 東至大同府大同縣界一百六十五里 西至邊牆七十里 南至甯武府甯武縣界一百九十五里 北至邊牆二十里 京南至山陰縣界二百七十里 西南至甯武府偏關縣界一百四十里 東北至邊牆二十里 西北至邊牆三十里

自府治至 京師九百六十里

土貢 豹尾 白雕羽 藥

管縣四州一

右玉 左雲 平魯 朔州 馬邑

右玉縣 衝繁郭下 有威遠一堡殺虎兔毛河二口巡檢二 駐威遠堡殺虎口

漢置善無縣為雁門郡治後漢為定襄郡治建安末郡縣俱廢後魏復置善無縣兼置善無郡北齊省隋唐以後為朔州地明正統十四年移玉林衛于此

本朝改曰右玉衛雍正三年升為縣

黑山在縣北邊牆外魏書神麈二年車駕東轅至黑山又夾山在縣東北邊牆外遼史保大二帝聞金兵將近乘輕騎入夾山

中陵川水在縣西今名兔毛河源出平魯縣南繞府城西分爲
二一會南河東流逕雲陽堡東五十五里入左雲縣西北一北
流逕殺虎堡出口外西流入烏藍木楞河平川在縣北邊牆外
魏書太祖登國元年大會于牛川又相近有野馬川明洪武初
藍玉出山西敗王保保于此

善無故城在縣南漢武泉故城在縣西北塞外武要故城富民
故城在縣北塞外唐宣德廢縣在縣東北塞外元平地廢縣在
縣西北塞外玉林廢衛在縣西

靜邊城在縣東北塞外唐天寶元年王忠嗣築大同靜邊二城
左雲縣衝西北至府七十五里
有高山助馬二堡巡檢駐

漢置武州縣屬雁門郡後漢末廢後魏復置曰武周縣屬代郡
北齊省唐爲定邊軍地明洪武二十五年設鎮朔衛後裁永樂

七年改設大同左衛正統十四年移雲川衛于此
本朝改曰左雲衛雍正三年升爲縣

武周川水今名廖家河在縣北源出縣西南東北流逕城北又
東流入大同府懷仁縣界爲十里河

武周故城在縣南漢沃陽故城陶林故城並在縣西北塞外後
魏梁城廢郡在縣東北塞外參合廢縣在縣北塞外

長城東接大同府境亘縣界及右玉平魯三縣北西沿黃河接
甯武府偏關縣界北史齊文宣天保七年自西河總秦戍築長
城東至于海八年又於長城內築重城自庫洛拔東至烏紇戍
凡四百餘里隋書開皇六年修築長城蓋因齊之舊遼史天德
軍有秦長城唐長城舊圖說明成化二十一年總督余子俊築
長城起大同中路至偏頭關界六百里嘉靖二十五年築長城

三百餘里二十六年築長城自丫角山以東至陽和靖櫓堡舊長城悉增修

鹽池在縣東北邊牆外班固云雁門郡沃陽縣鹽澤在東北平魯縣衝東北至府一百十五里有樂甯伏遠二鎮

漢置中陵縣屬雁門郡後漢屬定襄郡建安末省後魏為善無縣地隋唐以後為朔州地明正統三年置平樂衛于大同城內嘉靖中移此

本朝雍正三年升為縣

七介山在縣西北魏書世祖太延五年蠕蠕犯塞遂至七介山又楞棧山亦在縣西北明景泰元年大同總兵郭登敗寇于楞棧山

黃河在縣西邊牆外又南入甯武府偏關縣界金河在縣西北

邊牆外一名金川杜祐云金河上承紫河水南流入大河樹頽

水在縣西北邊牆外源出右玉縣北西南流注黃河今名烏藍

木楞河又相近有奄遏下水合銀海諸水注黃河

漢駱縣故城武城故城隋大利故城金淨州故城並在縣西北

塞外漢中陵廢縣在縣北

朔州衝繁難北至府二百四十里

有城東一驛大狼木一寨

戰國時趙地秦置馬邑縣漢屬雁門郡後漢末廢建安中復置屬新與郡晉仍屬雁門郡永嘉五年地入于代後魏為代郡畿內地北齊置北朔州及廣安郡又置招遠縣為郡治隋開皇初郡廢置總管府大業初州府俱廢改縣曰善陽置代郡尋改為馬邑郡唐武德四年復曰朔州天寶元年復曰馬邑郡乾元初仍為朔州天祐末改置振武軍于此五代晉天福初割入契丹

遼升爲順義軍節度宋宣和五年來歸改曰朔甯府尋入于金仍爲朔州元屬大同路明初省州治鄯陽縣入州屬大同府本朝雍正三年改屬朔平府

句注山在州東南接代州界又契吳山在州東北五十里西山一名翠屏山在州西南七十里晉太元十二年慕容垂擊劉顯顯犇馬邑西山

治水今名黃水河一名濕水源出州東南東北流逕馬邑縣又東北流入大同府界班固云陰館縣累頭山治水所出東至泉州入海過郡六行千一百里馬邑川水今名灰河在州西南白甯武縣北流入又北至馬邑縣南注桑乾河縣境沙楞河等水並注灰河

漢陰館廢縣在州東南北齊長甯廢縣在州界

新城在州西南史記蒙驁攻趙新城魏王泰云一名小平城又

鎮威城在州西南梁郡城在州西北

馬邑縣衝西北至府二百四十里有廣武一驛楊六郎一寨

漢馬邑縣地隋善陽縣地唐貞觀中置大同軍開元五年于軍城置馬邑縣屬朔州建中中嘗爲州治晉天福中入于契丹金

貞祐二年升爲固州元復爲馬邑縣本朝雍正三年改屬朔平府

太和嶺在縣東南六十里元史成宗大德四年幸上都置西京太和嶺屯田又松子嶺在縣西南

桑乾水源出縣西北洪濤山流逕縣南又東入大同府山陰縣界酈道元云陰館縣西北上下洪源七輪謂之桑乾泉卽潦涓

水

後唐寰州故城在縣西南

甯武府

衝
原額人丁一萬六千九百二十二
又滋生人丁八百三十九

春秋樓煩地戰國屬趙漢為雁門郡樓煩縣後漢末廢後魏置

神武太平二郡屬朔州北齊廢隋為馬邑樓煩雁門三郡地唐

末置甯武軍遼金元皆為武州地明置甯府關屬代州崞縣

本朝雍正三年改置甯武府鹽捕同知駐偏關

府境

八到

東	西	南	北	東	南	西	北
至	至	至	至	至	至	至	至
水	代	代	代	代	代	代	代
泉	州	州	州	州	州	州	州
營	崞	崞	崞	崞	崞	崞	崞
邊	縣	縣	縣	縣	縣	縣	縣
界	界	界	界	界	界	界	界
二	七	七	七	七	七	七	七
百	十	十	十	十	十	十	十
七	五	五	五	五	五	五	五
十	里	里	里	里	里	里	里

自府治至 京師九百五十里

土貢

管縣四

甯武 神池 偏關 五寨

甯武縣

衝郭下

有大河陽方朔甯甯文大水口五堡巡檢

漢樓煩縣地後魏置太平郡屬朔州北齊廢隋為雁門郡崞縣

樓煩郡靜樂縣地唐末置甯武軍後廢明景泰元年置甯武關

宏治十六年置甯武所

本朝雍正三年升為縣

管涔山在縣西南六十里跨五寨靜樂二縣界山海經北次二

經之首在河之東其首枕汾名曰管涔山汾水出焉又西南三

十里有蘆芽山跨神池五寨靜樂崞嵐諸州縣界

汾水在縣西南六十里管涔山下周禮職方氏其浸汾潞班固云汾陽北山汾水所出西南至汾陰入河遶郡二行千三百四十里按山上又有天池酈道元云有大池在燕京山上世謂之天池

太平故城在縣東北按後魏置太平郡領太平太清永甯三縣北齊改神武郡為太平蓋併入之宋甯化故城在縣西南伏伐城在縣西南隋樓煩郡所理又縣西北有托邏臺

樓煩關在縣西南隋書大業三年北巡入樓煩關神池縣衝南至府三十里有黃花嶺義井八角得勝四堡

漢置樓煩縣屬雁門郡漢末廢後魏置神武郡北齊改郡曰太平後周罷郡改置神武縣隋屬馬邑郡唐省入善陽遼重熙九年復置并置武州明廢入代州崞縣嘉靖十八年置神池堡

本朝雍正三年升為縣

青羊渠在縣東北滙諸山谷之水流入朔州灰河

神武故城在縣東北

偏關縣衝南至府一百八十里

有視遠一隘老營馬站永興樓溝石澗牛灣州梁水泉紅門五井十堡巡檢駐老營堡

漢置美稷縣屬西河郡後漢末省五代北漢置偏頭寨宋屬火山軍金屬武州元改砦為偏頭關明初屬鎮西衛成化二年置偏關所

本朝雍正三年升為縣

黃河在縣西二十里自塞外南流入又南流入保德州河曲縣界河之西岸即蒙古地

金甯邊故城在縣東元省其地半入武州半入東勝州

五寨縣

衝東至府一百里

有三峒一堡

漢汾陽縣地建安以後為新興郡地後魏為秀容郡地隋唐以後為朔州地宋熙寧初置寧遠砦後為遼所取置寧遠縣屬朔州尋廢入甯武縣金復置屬武州元省明為崞嵐州地嘉靖十八年置五寨堡屬鎮西衛

本朝雍正三年升為縣

遮虜城在縣西北四十里唐乾符五年李克用陷遮虜軍即此

曾孫用勳校刊

乾隆府廳州縣圖志卷十二

賜進士及第翰林院編修充 國史館纂修官 臣 洪亮吉撰

山西布政使司

澤州府 衝難

原額人丁一十五萬三千三百三十六
又滋生人丁一千五百一十九

禹貢冀州之域春秋屬晉戰國初屬韓後兼屬趙魏秦為上黨郡地漢為上黨郡高都陽阿二縣地晉太元中慕容永分置建興郡後魏真君九年省和平五年復置永安中罷改置建州兼置高都郡治高都縣後周改為高平郡隋開皇初郡廢改州曰澤州大業初改曰長平郡唐武德元年改郡為蓋州更置建州六年建州廢移蓋州來治貞觀元年蓋州廢移澤州來治天寶初曰高平郡乾元元年復曰澤州宋曰澤州高平郡金天會六

年曰南澤州天德三年復曰澤州元光初升為忠昌軍節度元
曰澤州屬晉甯路明洪武初以州治晉城縣省入九年直隸山
西布政使司

本朝雍正六年升為澤州府分防同知駐東冶鎮

府境 東西距四百六十里

八到 南北距二百四十五里

東至河南輝縣界二百四十里

西至平陽府翼城縣界一百二十里

南至河南府內縣界一百三十里

北至潞安府長子縣界一百三十五里

東南至輝縣界二百三十里

西南至絳州垣曲縣界一百九十里

東北至河南林縣界二百三十里

西北至翼城縣界二百二十里

自府治至京師一千八百里

土貢 銅 錫 麻布 石炭 蜜 蠟 野雞 石雄 石英
禹餘糧 茯苓 紫州 茅香 鐵

管縣五

鳳臺 高平 陽城 陵川 沁水

鳳臺縣 街繁難郭下

有星軺太行二驛橫望攔車周村三
鎮鹿盤將軍二寨巡檢兼驛丞駐橫

漢置高都縣屬上黨郡晉太元中屬建興郡後魏永安中為高
都郡治後周為高平郡治隋開皇十八年改曰丹川縣為澤州
治大業初州廢為長平郡治唐武德元年于縣置建州三年析
置晉城縣屬之六年移蓋州治晉城九年省丹川入晉城貞觀
元年為澤州治天祐三年更曰丹川五代唐復曰晉城明洪武
初省入澤州

本朝雍正六年于舊治置鳳臺縣

太行山在縣南呂氏春秋九山之一南跨河南河內縣界東北
接陵川壺關平順潞城黎城武鄉遼州和順樂平平定諸州縣

界山以百數雖隨地異名其實皆古太行也又石人山在縣東南鄘道元云石人各在一山犄角相望南為河內北曰上黨二郡以此分境

丹水在縣東一名莞谷水班固云高都縣莞谷丹水所出東南入泝水又白水源出縣境五龍池又東南流注丹水

泝水在縣東北源出高平縣西二十里原村名許河東南流至縣南合絕水又南流合蒲水又南流至府城東北合丹水應劭云上黨泝水縣泝水所出

高都故城在縣東北三十里漢陽阿故城在縣西北唐蓋城廢縣在縣東北

碗子城在縣南九十里太行山麓漢高城在縣南一百里

天井關在縣南班固云高都有天井關宋史靖康元年改名雄

定

高平縣

衝繁南少西至府八十五里

有喬村長平二驛米山丁壁野川時莊四鎮

戰國晉泝氏邑漢置泝氏縣屬上黨郡後魏改曰元氏縣屬建興郡永安二年於縣置長平郡兼置高平縣屬焉北齊郡廢省元氏入高平屬高都郡後周屬高平郡隋開皇初屬澤州大業初屬長平郡唐武德元年於縣置蓋州六年州移治縣屬焉貞觀元年屬澤州迄今不改

頭顱山在縣西南鄘道元云秦坑趙衆收頭顱築臺于壘中因山為臺今仍號曰白起臺

米山在縣東十里李吉甫云趙將廉頗積糧此山因名

省窻谷在縣西北二十五里即白起坑趙降卒四十萬之處地

名殺谷唐明皇幸潞州過之因更名

絕水源出縣西北三十里繖蓋山名浮雲河東南流繞縣城又南流合泣水班固云泣氏縣楊谷絕水所出南至堃王入沁縣境長平水東南流注絕水

長平故城在縣西北

趙鄣城在縣西史記王齧攻趙陷趙軍取二鄣四尉魏王泰云趙鄣故城一名都尉城又光狼城亦在縣西史記白起攻趙取光狼城縣北三十五里又有關城秦立關于此今名故關里益國鐵冶在縣西北十里王降村元大德間置至正間廢明洪武中徙置縣北二十里永樂中廢

長平關在縣北又縣東二十里有石壁關

陽城縣 難東至府八十里 有麻樓一寨

戰國魏獲澤邑漢置獲澤縣屬河東郡晉屬平陽郡後魏屬安平郡隋屬長平郡唐武德元年于縣置澤州八年州移治以縣屬之天寶元年改為陽城天祐二年朱全忠復曰獲澤五代後唐復曰陽城金元光二年升為勣州元復曰陽城縣析城山在縣西南尚書禹貢底柱析城至于王屋班固云獲澤縣禹貢析城山在西南又史山在縣東北三十里產鐵沁水在縣東自平陽府岳陽縣南流入沁水縣境又南逕縣東入河南濟源縣界陽阿水獲澤水秦川水並從縣境注沁漢獲澤縣及隋置澤州皆以獲澤名按縣境又有王澗水清澗水陽泉水酈注並云入獲澤今上澗清澗入澤而陽泉則入沁水蓋水道變遷也獲澤故城在縣西澤城村後魏西河廢縣亦在縣西

陵川縣

簡西南至府一百二十里

有路城南馬池下三鎮馬武一寨

漢沘氏縣地後魏高平縣地隋開皇十六年析置陵川縣屬長平郡唐武德元年屬蓋州貞觀元年屬澤州元至元三年省入晉城三十一年復置

寶應山在縣西北四十里一名秦嶺有古長城一道起丹朱嶺至馬鞍壑遺跡尚存顧炎武以為或秦時所築也又九仙山在縣西南七十里

沁水縣

簡東南至府一百七十里

有端氏郭壁武安固鎮四鎮燕丹一寨巡檢駐端氏鎮

戰國趙端氏邑漢置端氏縣屬河東郡晉屬平陽郡後魏直君七年省太和二十年復置孝昌中分置東永安縣兼置泰寧郡北齊郡廢改東永安曰永寧隋開皇十八年又改曰沁水與端

氏皆屬長平郡唐武德元年屬澤州八年移州治端氏貞觀元年徙州治晉城端氏沁水二縣皆屬焉元至元三年省端氏入沁水

輔山在縣西南樂史云與析山相連若有相輔之勢又石門山在縣西南四十里巨峻山在縣東北一百里酈道元云羸羸水秦川水俱出巨峻山又烏嶺在縣西北唐會昌三年晉絳行營節度使石雄及劉稹戰于烏嶺敗之樂史以為即春秋黑壤也端氏故城在縣東北六十里端氏鎮隋縣也縣故城在今縣西三十里宋後移今治

王離城在縣東北五十里秦時王離擊趙所築馬邑城在縣東二十里白起築此城以養馬

蒲州府

衝繁難

原額人丁八萬二千八百九十一更名屯丁一千二百二十一
一又滋生人丁一千六百四十七

禹貢冀州之域春秋屬晉戰國屬魏秦為河東郡地晉永嘉十
年苻秦始置秦州咸安元年改雍州太元二十一年姚秦改置
并冀二州義熙十三年還屬晉置并州及河東郡俱治蒲坂縣
元熙元年陷于赫連勃勃後魏神麴元年改置雍州延和元年
又改秦州太和中州罷東魏天平初復置後周明帝二年改置
蒲州隋開皇初郡廢大業初州廢復置河東郡治河東縣唐武
德元年于桑泉縣改置蒲州二年置總管府三年移州來治九
年府罷開元九年改為河中府兼置中都是年罷都復為州天
寶元年改為河東郡乾元元年復為蒲州三年復曰河中府置
節度使屬河東道光啟元年曰護國軍節度宋仍曰河中府河
東郡護國軍節度金天會六年降為蒲州天德元年升為河中

府仍護國軍節度大定五年置陝西元帥府元仍為河中府明
洪武三年復曰蒲州省河東縣入焉屬平陽府

本朝雍正三年升為直隸州六年升為蒲州府分守河東道駐
此分防同知駐永樂

府境 東西距九十里 南北距二百二十里

東至解州界九十里 西至陝西界九十里

南至陝西潼關界六十里 北至絳州河津縣界一百六十里

東南至潼關界六十里 西南至絳州稷山縣界一百二十里

東北至朝邑縣界三十里 自府治至京師二千二百里

土貢 鐵 綿絹 布 瓊 鹽 酒 扇 席 紙 漆 匣
梨 棗 龍骨 五味子

管縣六

永濟 臨晉 虞鄉 猗氏 萬泉 榮河

永濟縣 衛蔡難郭下 有河東一驛趙伊區河栲栳三鎮樂

古虞舜都戰國魏蒲坂邑漢置蒲反縣後漢曰蒲坂屬河東郡
三國魏晉末為河東郡治隋開皇初屬蒲州十六年析置河東
縣大業初省蒲坂入河東仍為郡治唐武德元年罷郡屬蒲州
三年為蒲州治明洪武三年省入蒲州

本朝雍正六年復置永濟縣為蒲州府治

雷首山在縣南四十五里一名首陽山一名歷山尚書禹貢壺
口雷首左傳趙宣子田于首山班固云蒲坂縣雷首山在南又
中條山在縣東南跨虞鄉縣界又東接解州芮城縣界自雷首
山歷虞鄉芮城解州安邑夏縣至垣曲縣諸山隨地異名要皆
中條也堯山在縣南三十里班固云蒲坂縣有堯山按酈道元

以雷首山為卽堯山誤

長原在縣東魏王泰云蒲坂在蒲州城南五里亦名長坂風陵
堆在縣南一名封陵史記魏襄王十六年秦拔我蒲坂陽晉封
陵

黃河自絳州河津縣流入府境逕榮河臨晉始至縣西折而東
入解州芮城縣界謂之河曲春秋文公十二年晉人戰于
河曲

媯汭水在縣東南五十里源出歷山西流入河又其水在縣南
五十里今名蓼水山海經甘棗之山共水出焉

永樂澗在縣東南又名渠瀦水山海經渠瀦山渠瀦水出焉南
流注于河

蒲坂故城在縣東南與今府城相連周九里一百二十步後周

永樂故城亦在縣東南

堯城在縣南二十八里酈道元云堯山上有故城世曰堯城涑水城在縣東又縣北門外有越城西魏大統九年築以防越渡故名又北有陶城唐貞元元年馬燧軍寶鼎敗李懷光于陶城蒲津關在縣西黃河西岸一名臨晉關跨陝西地史記曹參以中尉從漢王出臨晉關宋大中祥符四年改蒲津關為大渡關又風陵關在縣南唐聖歷元年置

臨晉縣

衝繁難西南至府七十里

有樊橋一驛樊橋一鎮齊王一寨巡檢駐角杯

春秋晉解梁邑漢置解縣屬河東郡後魏太和十一年改曰北解縣後周省隋開皇十六年改置桑泉縣唐武德元年于縣置蒲州三年移州治河東以縣屬之天寶十三載改曰臨晉

三嵒山在縣東北三十五里或曰山無泉曰嵒

漢水在縣西三十八里爾雅漢大出尾下郭璞注今河東汾陰縣有水口如車輪瀆沸湧出其深無限名之曰漢馮翊郃陽縣復有漢亦如之相去數里而夾河河中階上又有一漢漢原皆潛相通酈道元云西南流經蒲坂西入河

解縣故城在縣東南唐溫泉廢縣在縣境

桑泉城在縣東北左傳僖公二十四年晉公子濟河入桑泉縣境又有瑕城左傳所云郇瑕也

虞鄉縣

簡西至府六十里

有故市一鎮楊家一寨

漢解縣地後魏太和十一年分置南解縣屬河東郡後周武城二年廢南解別置綏化縣保定元年改曰虞鄉隋大業九年徙廢唐武德元年復改置虞鄉縣屬蒲州元至元三年省

本朝雍正八年復置

五老山在縣西南一名蔥蘢山亦中條之支山海經蔥蘢之山其中多大谷是多白堊黑青黃堊縣西南又有鹽道山李吉甫云一名百梯山山高萬仞南有穴莫測淺深每有敕使投金龍于此

王官谷在縣東南十里中條山中相近有王官城左傳文公二年秦師濟河取王官及郊又縣西有陽晉城史記魏世家秦拔我陽晉縣西北有東張城史記曹參東攻魏將孫遨軍東張智城在縣境

鴛鴦泉在縣南十二里山海經高泉之山其上有水甚寒而清名帝臺之漿郭璞注壇道山有水潛出停而不流者是南解故城在縣西十三里綏化故城在縣西北三十里

猗氏縣

衝繁西南至府一百十里

有張岳一鎮

漢置縣屬河東郡後魏太和十一年分置北猗氏縣屬北鄉郡西魏恭帝二年改為桑泉後周明帝復曰猗氏屬汾陰郡隋屬河東郡唐已後屬河中府明屬蒲州

孤山在縣南五十里廣八十里接萬泉縣界

涑水自解州安邑縣西南流入縣南又西南逕臨晉虞鄉永濟入五姓湖又西南入黃河五姓湖卽古張陽池東西二陂也

縣故城在今縣南二十里

郇城在縣西南古郇國左傳僖公二十四年狐偃及秦晉之大夫盟于郇令狐城在縣西文公七年晉敗秦師于令狐

萬泉縣

難西南至府一百六十里

有解店一鎮秦王一寨

漢汾陰縣地唐武德三年置萬泉縣屬秦州貞觀十七年屬絳

州大順二年改屬河中府金貞祐三年改屬榮州元至元三年省入猗氏十五年復置

介山在縣東十五里班固云汾陰縣介山在南按山北有鄴丘故漢之方澤也

縣故城在縣南百步許元至元十五年復置移今治

榮河縣 難西南至府一百二十里 有胡壁孫吉二鎮武壁一寨

戰國魏汾陰邑漢置汾陰縣屬河東郡劉淵時省入蒲坂後魏太和十一年復置兼置北鄉郡後周武帝改置汾陰郡隋開皇三年郡廢屬蒲州大業三年仍屬河東郡義甯元年復置汾陰郡唐武德元年改郡曰秦州二年移州治龍門以縣屬之貞觀十七年州廢屬蒲州開元九年屬河中府十一年改曰寶鼎宋大中祥符四年改曰榮河置慶成軍熙寧元年軍廢金貞祐三

年于縣置榮州元初州廢

汾水在縣北與絳州河津縣分界酈道元云漢武帝于水得寶鼎改其年曰元鼎卽此處圖說汾河舊自縣北后土祠傍西流入黃河明隆慶中移河津縣葫蘆灘南入河

雕丘在縣城北史記武帝立后土祠汾陰雕丘

汾陰故城在縣北

北鄉城在縣北門外董亭在縣東

殷湯陵李吉甫云在寶鼎縣北四十三里今載祀典又舊說元癸未歲淪于汾河以石柩遷葬焉按劉向云殷湯無葬處而皇覽云湯冢在亳城北張守節云在偃師縣東六里與桐宮相近差近事實杜預又謂在梁國蒙縣與此而四疑皆後人所爲也

遼州

繁

有南關一驛長城黃漳芹泉桐峪麻田寨桃拐兒七鎮巡檢駐十八盤

原額人丁二萬八千六百八十
又滋生人丁五百四十

秦以前同澤州府漢為上黨郡涅氏縣地晉分置轄陽縣屬樂平郡後魏太平真君九年省入鄉郡孝昌二年復置曰遼陽北齊省隋開皇十年復置改曰遼山屬遼州大業初州廢屬太原郡唐武德三年仍屬遼州六年自樂平移州來治八年改曰箕州先天元年又改曰儀州天寶元年為樂平郡乾元元年復曰儀州中和三年仍曰遼州宋初曰遼州樂平郡熙寧七年州廢縣隸平定軍元豐八年復置遼州金天會六年曰南遼州天德三年仍曰遼州明洪武初以州治遼山縣省八九年直隸山西布政使司

州境 東西距二百三十里
南北距二百三十里
東至河南武安縣界一百四十里
西至太原府太谷縣界一百九十里

南至潞安府黎城縣界一百里
北至平定州樂平縣界一百三十里
東南至黎城縣界一百里
西南至沁州武鄉縣界一百二十五里
東北至直隸邢臺縣界一百十里
西北至太原府榆次縣界二百里
自州治至京師一千二百里

土貢 人參 蠟 麝 石炭 藥

管縣二

榆社 和順

遼陽山在州東三里南入潞州府黎城縣界五指山在州東七十里後趙錄石勒生時此山草木皆為鐵騎之形州東又有箕山唐改箕州以此山名

隋交漳故城在州東南七十里交漳村

黃澤關在州東一百二十里十八盤山五代史劉鄩潛軍出黃

澤關襲太原

榆社縣

簡東至州九十里

有雲簇一鎮古寨官寨二寨

漢涅氏縣地晉置武鄉縣屬上黨郡大興二年石勒置武鄉郡
永和中廢後魏為鄉縣地隋開皇十六年復分武鄉故地置榆
社縣屬韓州大業初省入武鄉縣義寧元年復置屬太原郡唐
武德元年復屬韓州三年于縣置榆州六年州廢屬遼州宋熙
寧七年省入武鄉縣元祐元年復置仍屬遼州元至元三年省
入遼山六年復置

清谷水源出縣東武鄉嶺西南流至縣城西南入武鄉水今名
儀川河

武鄉故城在縣西北即地形志之榆社城唐偃武廢縣在縣南
三十里魏城鎮

箕城在縣南今為箕城鎮

石會關在縣西二十五里又西南即沁州武鄉縣之昂車關唐
會昌三年河東帥劉沔討澤潞叛帥守昂車關壁榆社取石會
關關為澤潞北走晉陽之要阨

和順縣

簡南至州九十里

有松烟寒湖馬嶺虎峪橫嶺馬防六鎮巡檢駐入賦嶺

春秋晉梁餘子養邑戰國韓閼與邑漢為上黨郡沾涅二縣地
晉為樂平縣地北齊置梁榆縣隋開皇十六年改曰和順屬并
州大業初屬太原郡唐武德三年改屬遼州宋熙寧七年省入
遼山縣元祐元年復置仍屬遼州

九京山在縣西北五里

八賦嶺有南北二嶺南嶺在縣西一百二十里北嶺在縣西北
一百二十里亦名八縛嶺接太原榆次縣界棘水武鄉水大涂

水皆出此按南入賦嶺卽武山酈注武鄉水出武山是也北入賦嶺卽轅山酈注轅水出轅河縣西北轅山是也又石猴嶺一名大嘍山在縣西北四十里梁榆水出焉

清漳水源自平定州樂平縣南流入縣東又南逕州城東又南至交漳村與遼水合又南入潞安府界縣境梁榆水萬泉水南萬泉水並注清漳武鄉水源出縣西南南流逕榆社縣西又南入沁州武鄉縣界

縣故城在今縣東北與今縣城相倚周四百八十步闕與故城在縣西北隋平城廢縣在縣西一百里唐義興廢縣在縣西十五里

沁州 衝繁 有沁陽一驛郭村西湯二鎮段村一寨

原額人丁三萬七千五百三十五
又滋生人丁一千九百一十八

禹貢冀州之域春秋晉銅鞮邑戰國屬韓後屬趙漢爲上黨郡銅鞮穀遠等縣地後魏延和二年分置鄉郡以銅鞮爲屬縣建義元年又于沁源縣置義寧郡隋開皇初二郡皆廢十六年于沁源縣置沁州兼領銅鞮縣大業初州廢二縣皆屬上黨郡義寧元年復置義寧郡唐武德元年復曰沁州貞觀十七年以銅鞮縣屬潞州宋太平興國二年始于銅鞮縣置威勝軍六年省沁州入焉金天會六年復升軍爲沁州元光二年又升爲義勝軍節度元曰沁州屬晉寧路明洪武初省州治銅鞮縣入州萬歷二十四年改屬汾州府三十二年復舊

州境 東西距四百二十里
南北距四百里

八到 東至潞安府黎城縣界二百十里
西至霍州界二十里

南至潞安府襄垣縣界七十里
北至太原府太谷縣界三百三十里

東南至襄垣縣界八十里
東北至遼州榆社縣界八十里
西南至平陽府岳陽縣界一百七十里
西北至汾州府平遙縣界一百五十里
自州治至京師一千七百里

土貢

錫 布 龍須席 花壇 羊羶 藥

管縣三

沁源 武鄉

銅鞮山在州西南四十里州西南又有石梯山石梯水出焉東流入漳又州西南四十里有后泉山皇后水出焉東北注銅鞮水

銅鞮水源出州西北伏牛山東南流入潞安府襄垣縣界俗謂之漳河

銅鞮故城在州南按銅鞮魏時已曾移治至唐武德間凡再徙

宋太平興國二年又隨威勝軍移于亂柳是縣凡經四徙今州南十五里有段柳寨疑卽亂柳之訛也州南又有銅鞮宮故址烏蘇城在州西南二十里

沁源縣

簡東少北至州一百二十里

有柏子郭道官軍三鎮唐王侯壁陽城三寨

漢置穀遠縣屬上黨郡晉省後魏建義元年置沁源縣兼置義寧郡隋開皇初郡廢十六年于縣置沁州大業初州廢尋復置義寧郡唐初復曰沁州天寶元年改爲陽城郡乾元初復曰沁州宋太平興國五年廢沁州以縣屬威勝軍金初屬沁州元光二年于縣置穀州元初穀州廢仍屬沁州
羊頭山在縣東北卽古謁戾山山海經謁戾之山有金玉沁水出焉

沁水源出羊頭山西南流合水峪河澗河又南流逕縣東合青

龍河又西南流合西川河及大南川又南入平陽府界即古少水也左傳襄公二十三年齊侯伐晉封少水班固云穀遠縣羊頭山世靡谷沁水所出東南至滎陽入河過郡三行九百七十里縣境清水河五龍川等水並注沁

穀遠故城在縣南門外隋綿上故城在縣東北唐招遠廢縣在縣西

鐵冶在縣東北樂史云大通監管東西二冶東冶在綿上縣圖說縣境鐵鑛鑪凡五一在縣西餘俱在縣北百里

武鄉縣 簡西南至州六十里 有權店一驛盤龍墨鏡二鎮重城韓壁二寨

漢置涅氏縣屬上黨郡後漢曰涅縣後魏更置鄉縣延和二年兼置鄉郡後復省涅縣入之東魏置南垣州尋改豐州後周州廢隋開皇初郡廢縣屬上黨郡唐屬潞州武后時改曰武鄉縣

神龍元年復為鄉縣後又曰武鄉縣宋太平興國二年改屬威勝軍金屬沁州元至元三年省入銅鞮縣後復置

覆醜山在縣西北魏收書陽城縣有覆醜山涅水出焉又縣西北七十里有石白山一百里有胡甲山胡甲水出焉

涅水在縣西北東南流逕縣南又東南流入潞安府界涅氏縣因水以名又武鄉水自榆社縣南流入縣城西南合涅水甲水亦在縣西五里合涅水

涅氏故城在縣西五十五里俗呼故城村後魏陽城廢縣在縣西涅水側

皋狼城在縣西北五十里石勒城在縣東北一里

南關在縣西北一百二十里與祁縣之北關相去十五里
平定州 衝繁 有平潭甘桃二驛巡檢兼驛丞駐甘桃

原額人丁九萬七千一百五十五
又滋生人丁一千六百六十三

古并州之域春秋晉地戰國屬趙漢置上艾縣屬太原郡後漢屬常山國晉屬樂平郡後魏太平真君九年省孝昌六年復置改曰石艾隋開皇三年罷郡改屬遼州大業三年省遼州以縣屬太原郡唐武德三年仍屬遼州六年屬受州貞觀八年州省改屬并州開元十一年屬太原府天寶元年改曰廣陽宋太平興國四年改曰平定于縣置平定軍金大定二年升為平定州屬河東北路元屬冀甯路至元二年省縣入州明屬太原府本朝雍正二年升為直隸州

州境

東西距二百九十里
南北距二百九十五里
東至直隸井陘縣界九十五里
西至太原府榆次縣界一百七十五里
南至遼州和順縣界八十五里
北至代州五臺縣界二百十里

入到

東南至直隸贊皇縣界一百八十里
西南至榆次縣界九十五里
東北至直隸平山縣界二百三十里
西北至太原府陽曲縣界二百十里
自州治至京師八百七十里

土貢

銅 鐵 礬石 煤炭 磁器 梨

管縣三

壽陽 孟 樂平

浮化山一名浮山在州東五十里浮化水出焉南流入洞渦水又蒙山在州東北十五里

綿蔓水在州東北源出壽陽縣東有南北二源合流名太平河東流至州界曰桃水亦稱桃河又東流至直隸井陘縣界入冶河班固云上艾縣綿蔓水東至蒲吾入滹沱水又南川水出州西南七里東北流至井陘縣注冶河澤發水在州東北九十里

東北流入井陘縣界即冶河之上源也

廣陽故城在州東南唐受州故城在州西北三十里即賽魚城故關在州東九十里即漢韓信張耳擊趙時所出道亦名土門州東北又有盤石葦澤二關

壽陽縣衝繁難東至州一百里

有大安一驛遂城一鎮饑虎一寨巡檢兼驛丞駐大安

春秋晉馬首邑漢為榆次縣東境晉置壽陽縣屬樂平郡永嘉後省隋開皇十年置受陽縣屬并州大業三年屬太原郡唐武德三年屬受州六年移州來治貞觀八年州廢十一年仍名曰壽陽屬并州開元後屬太原府金興定二年屬平定州元屬冀甯路明屬太原府

本朝雍正二年與樂平孟縣並改屬平定州

方山在縣東北四十里接孟縣界澗山在縣南八十里洞澗水經其下故名

洞澗水在縣南源出樂平縣澗泉山西流逕縣南又西流入太原府界一名同過水縣境黑水合壽水龍門水至縣南注洞澗水

漢廣牧故城在縣北按本屬朔方在今陝西河套內後漢建安末移置陘南後魏神武僑郡城在縣北按魏收書神武郡首領尖山縣今有尖山在縣北又大安郡首領狄那縣今有大安鎮及狄那寨在縣西又廣甯郡首領石門縣今有石門在縣東又太平郡首領太平縣今有太平鄉太平村在縣東北蓋一州五縣皆僑置縣境不獨神武矣金廢晉州在縣西北馬首城在縣東南馬首村左傳昭公二十二年晉分祁氏之田

為七縣趙過為馬首大夫

孟縣 衝東南至州一百里

有芹泉一驛牛村一寨巡檢兼驛丞駐芹泉

春秋時仇猶國後屬晉戰國屬趙漢為上艾縣地後魏為石艾縣地隋開皇十六年分置原仇縣大業初始改孟縣屬太原郡唐武德三年于縣置受州六年移州治壽陽以縣屬焉貞觀八年州廢屬并州開元以後屬太原府金興定中升為孟州明洪武二年降州為縣屬太原府

原仇山在縣東北七里李吉甫云出人參鐵鉞原仇縣取此山為名又縣東北八十里有白馬山山海經白馬之山其陽多玉石其陰多鐵及赤銅木馬水出焉上有白馬關
滹沱水在縣北九十里自代州五臺縣東流入又東流入直隸平山縣界縣境細水木馬水並注滹沱

唐烏河故城在縣西一百二十里

仇猶城在縣東北半里韓非子智伯欲伐仇繇道不通因鑄大鐘遺之仇繇除塗納之而仇繇亡皋牢城在縣東三十里

樂平縣

衝西北至州五十里

有柏井一驛靜陽一鎮石人一寨巡檢兼驛丞駐柏井

漢置沾縣屬上黨郡建安中于縣置樂平郡又分置樂平縣屬焉後魏太平直君九年樂平郡縣俱罷以沾縣屬太原郡孝昌二年復置樂平郡及樂平縣俱治沾城隋開皇初廢郡十六年于縣置遼州大業初州廢屬太原郡唐武德三年復置遼州六年移州治遼山縣以縣屬受州州廢還屬并州開元後屬太原府宋乾德初置平晉軍尋罷太平興國四年又改屬平定軍金興定四年升為皋州元初州廢至元二年省樂平縣入平定州七年復置

暴落山在縣東七十里一名樂平山白巖山在縣東南八十里
接直隸邢臺縣界五代時爲河東守險之地少山在縣西南二
十五里山海經清漳水出少山淮南王書謂之揭戾山又隄泉
山在縣西四十里周九十里鳴水出其東洞渦水出其西
清漳水在縣西南四十里源出大黽谷南流入遼州和順縣界
班固云沾縣大黽谷清漳水所出東北至阜城入大河過郡五
行千六百八十里冀州川沽水在縣西源出沾嶺東流合鳴水
小松水東北流入直隸井陘縣治河又縣東松溪水亦至井陘
注治
沾縣故城在縣南三十里隋東山廢縣在縣東
昔陽城在縣東左傳昭公十二年晉荀吳假道于鮮虞遂入昔
陽注昔陽肥國都

乾隆府廳州縣圖志卷十三

賜進士及第翰林院編修充 國史館纂修官 洪亮吉撰

山西布政使司

忻州 衝繁 有九原一驛牛尾莊沙溝貓兒三寨雲內忻口

原額人丁七萬八千二百十三更名屯丁二百七十二
又滋生人丁二千五百十五

古并州之域春秋晉地戰國屬趙秦爲大原郡地漢太原郡陽
曲縣地後漢末置新興郡晉惠帝改爲晉昌郡後魏太平眞君
七年置肆州永安中改郡曰永安郡後周徙州于雁門郡隋開
皇中復置新興郡尋廢十八年置忻州大業三年州廢義甯初
仍置新興郡唐武德元年復曰忻州天寶初曰定襄郡乾元初
復曰忻州宋曰忻州定襄郡元屬冀甯路明初以州治秀容縣
省入仍曰忻州屬太原府

本朝雍正二年升為直隸州

州境 東西距三百四十五里

八到 東至平定州孟縣界一百二十里

西至太原府嵐縣界二百二十里

南至太原府陽曲縣界四十里

北至代州崞縣界六十里

東南至陽曲縣界六十五里

西南至汾州府永甯州界三百三十里

東北至代州五臺縣界七十五里

西北至甯武府五寨縣界二百八十里

自州治至 京師一千三百里

土貢 鹽 雕羽 石炭 解玉砂 雲母石 麝 蟾酥 豹尾 白

管縣二

靜樂 定襄

九原山在州西漢末以此名縣晉咸甯二年白龍二見九原井中又州北四十里有程侯山酈道元云沂水東歷程侯山其下

舊有採金處

滹沱水在州北五十里自代州崞縣流入逕忻口又東歷程侯

山北徑定襄縣又東入代州五臺縣界縣境牧馬水雲中水並

注滹沱南河金水河又注雲中水

後魏平寇故城在州東十五里肆盧故城在州西三會故城及

秀容廢縣在州西北隋銅川廢縣在州西唐懷化廢縣在州北

忻口在州北五十五里兩山相夾滹沱水徑其中魏土地記漢

高出平城之圍還軍至此六軍忻然因名山之西舊有忻口城

相傳漢高所築

靜樂縣 衝東至州一百八十里 有康家會一驛故鎮窟谷 永安三鎮巡檢駐樓煩

漢汾陽縣地北齊于今嵐縣地置岢嵐縣隋開皇十八年移縣

治此改曰汾源大業四年又改曰靜樂于縣置樓煩郡唐武德

四年罷郡置管州五年曰北管州六年州省以縣屬嵐州宋咸平二年置靜樂軍五年廢軍自樓煩縣移憲州來治熙寧三年州廢縣仍屬嵐州十年復置憲州治此政和五年賜州名汾陽郡金天德三年改曰管州元廢縣入州明洪武三年州廢復置靜樂縣屬太原府

本朝雍正二年改屬

汾水自寧武府寧武縣流入繞縣治西南又南流過樓煩鎮東南流入太原府界縣境碾河羊兒河社干河嵐河監河並注汾唐樓煩故城在縣南七十里按漢樓煩縣在寧武府界此唐所置縣非漢故地也又天池故城在縣西南一百里六度廢縣在縣南六度村元池廢縣在縣東南
長城在縣東趙武靈王城在縣南三里天柱山左

定襄縣

繁西少南至州五十里

有芳蘭一鎮狐谷蕎麥二寨

漢置陽曲縣屬太原郡建安末改置定襄縣屬新興郡後魏永安中為永安郡治高齊省改置平寇縣隋開皇十年省入秀容唐武德四年復分秀容置定襄縣屬忻州宋熙寧五年省入秀容
容元祐初復置

淳水渠在縣西北縣境凡三十一渠引淳沱水二十有一引牧馬水五引泉水五

晉晉昌廢縣在縣西北

代州

衝繁難

有雁門一驛樂安一鎮入岔胡峪二堡巡檢

駐廣武城
原額人丁五萬七千五百一十四更名屯丁四百三十九

又滋生人丁二千三十四

秦以前同大同府漢為雁門郡治善無縣後漢移郡治陰館縣三國魏始移郡治廣武縣屬并州後魏屬司州太和中改屬肆

州後周太象元年移肆州來治隋開皇初郡廢五年始改州為代州置總管府十八年改廣武縣曰雁門縣大業初府廢改州仍為雁門郡唐武德元年復置代州總管府五年廢總管六年又置貞觀四年改總管為都督府天寶初曰雁門郡乾元初復曰代州中和二年置雁門節度使三年賜名代北節度使五代後屬北漢宋曰代州雁門郡景德中置防禦使金曰代州天會六年置震武軍節度使元仍曰代州中統四年省雁門縣入州明洪武三年廢為代縣八年復曰代州屬太原府

本朝雍正二年升為直隸州分守雁平道駐此

州境

八到

東西距三百七十六里
南北距四百四十里
東至大同府靈丘縣界二百二里
西至寧武府甯武縣界一百七十三里
南至平定州盂縣界三百二十里
北至大同府山陰縣界一百二十里

東南至直隸平山縣界二百四十里
西南至忻州界一百四十里
東北至大同府渾源州界一百九十里
西北至朔平府朔州界一百四十里
自州治至京師七百七十里

土貢

麻布 豹尾
花 地菜

白雕羽

蜜

麝香

青礫

仙茅

天

管縣三

五臺 繁峙 崞

句注山在州西北二十五里呂不韋書天下九塞句注其一班固云句注山在陰館又雁門山在州西北三十五里與句注岡隴相接故句注亦兼雁門之稱爾疋北陵西隕雁門是也累頭山在州西北八十里班固云陰館縣有累頭山治水所出夏屋山在州東北六十里一名賈屋山

滹沱水在州南源出繁峙縣東泰戲山有三泉並導西南流三

里玉斗泉合焉又西流三里復有三泉注之又西合北樓口華嚴嶺水西入代州界又西南流入崞縣境州境諸水皆入焉又東南流入忻州界又自忻州定襄縣東流入五臺縣境至縣南五十里河門與慮虎陽清水三河合又東入平定州界周禮職方氏并州其川虜池山海經秦戲之山虜池之水出焉班固云鹵城虜池河東至參戶入滹沱別過郡九行千三百四十里別河東至文安入海過郡六行千三百七十里又東關河在州城東半里發源雁門山東南流注滹沱司馬彪所謂常溪水也州境峪口河亦注滹沱

廣武故城在州西十五里後魏武州故城在州西陰館廢縣在州西北四十里

棗戶城在州東

雁門關在州西北三十里一名西陘關唐于山頂置關開元時關廢明初移今所築城周二里有奇卽句注故道也東陘關在州南唐天寶十四年郭子儀所開按忻州亦有雁門關在靜樂縣南唐志憲州天池縣有雁門關疑開元時廢代州關後始置也

五臺縣 難西北至州一百四十里

有竇村臺懷二鎮大峪飯仙山二口楊武曹寨水月堂摩天四寨巡檢駐臺懷

漢置慮虎縣屬太原郡晉省後魏太和中復置曰驢夷永安中屬永安郡北齊屬雁門郡隋大業初改曰五臺唐屬代州金貞祐四年升爲臺州屬太原府元屬冀寧路明洪武二年廢州復爲五臺縣屬太原府八年改屬代州

五臺山在縣東北一百二十里樂史稱水經云山五巒巍然故

謂之五臺

慮虎水在縣西十五里漢因此水以立縣與虎陽清水二河合流入滹沱泉巖水亦在縣西南入滹沱

慮虎故城在縣北

倉城在縣西南

繁峙縣 簡西至州六十里

有平刑破澗二驛北樓小石口二堡巡檢駐平刑

春秋晉霍人邑漢置葭人縣屬太原郡後漢省晉復置屬雁門郡永嘉後廢徙置繁峙縣于此後魏天平二年兼置繁峙郡後周郡縣俱廢隋開皇十八年復置繁峙縣屬雁門郡唐屬代州金貞祐三年升為堅州屬太原路元屬冀甯路明洪武初改州為繁峙縣八年改屬代州

泰戲山在縣東北一百二十里山海經空桑之山又北三里曰

泰戲之山無艸木多金玉

縣故城在今縣東漢置縣在今渾源州界後魏移置此唐聖歷二年又徙今治葭人故城在縣南鹵城故城在縣東一百里寶興軍在縣東南五代北漢置宋後廢五代史五臺僧繼顛于柏谷置銀冶鑿山取鑛烹銀以輸劉氏仰以足用即其冶置寶

興軍

崞縣 衝難東北至州八十里

有原平開泥二驛秦王土磴二寨

漢置原平縣屬太原郡後漢屬雁門郡魏永興二年析置石城縣屬秀容郡東魏置廓州北齊改為北顯州後周州廢隋開皇十六年改石城曰平寇大業初改曰崞縣屬雁門郡唐屬代州元太宗十四年升為崞州明洪武二年復為縣八年改屬代州崞山在縣西南四十里縣因山為名又西南三十里有黃崑山

接甯武縣界宋史遼蕭禧來理河東黃嵬地帝遣沈括偕往就
議括與契丹相楊益戒等議凡六會知不可奪乃舍黃嵬而以

天池請

揚武谷在縣西三十里唐大曆十三年回紇寇代州都督張光
晟破之于揚武谷

沙河在縣南六十里與縣境南橋河揚武河等並入漳沱

晉樓煩故城在縣東十五里按古樓煩國及漢縣皆在今雁門
關北唐林故城在縣南四十里漢雲中故城在縣西南七十里
按秦漢所置雲中郡及縣皆在今大同府西北塞外後漢建安
中移置此又原平廢縣在縣南三十五里

保德州 衝繁 有陳家寨二砦

原額人丁六千三百八十九
又滋生人丁二百六十一

禹貢冀州之域春秋屬晉戰國為樓煩地漢太原郡地魏晉新
與郡地後魏永安郡地隋唐為嵐州地宋淳化四年析嵐州地
置定羌軍景德二年改保德軍金大定十一年置保德縣為軍
治二十二年升保德州元憲宗七年省縣入州明洪武七年降
為縣九年復為州屬太原府

本朝雍正二年升為直隸州

州境	東西距二百三十里
八到	南北距二百二十里
	東至甯武府五寨縣界一百二十里
	西至太原府興縣界一百十里
	南至太原府崞州界七十里
	北至邊牆一百五十里
	東南至崞州界一百六十里
	西南至興縣界一百里
	東北至甯武府偏關縣界一百八十里
	西北至蒙古界一百四十五里
	自州治至京師一千七百十五里

土貢 絹 柴胡

管縣一

河曲

黃河自甯武府偏關縣南流逕河曲縣西北六里又南流入州城西一里又南入太原府界對岸為陝西府谷縣界州境朱家川等及河曲縣諸水並注河

元芑州故城在州城西北

古長城在州南九十里偏橋村西抵黃河南接太原府興縣長八十里

河曲縣 衝西南至州六十里

有五門樓楊家二寨下鎮一岩巡檢駐河邑

漢太原郡地唐嵐州地五代北漢置雄勇鎮宋太平興國七年建火山軍治平四年置火山縣為軍治熙寧元年縣省金貞元

三年置河曲縣大定二十二年升為火山州治河曲後改州曰

澳州元至元二十年州縣俱省入保德州明洪武二年復置河

曲縣六年省十四年又置屬太原府

本朝雍正二年改屬

火山在縣西五里黃河東岸宋置縣以此名

澳州故城在縣東北八十里

霍州 衝繁難 有霍山一驛辛置一鎮

見在丁口共二萬九千七百四十七

周初霍國後為苑邑漢置彘縣屬河東郡後漢陽嘉三年改曰永安晉屬平陽郡後魏太平真君七年并入禽昌正始二年復置建義元年於縣置永安郡隋開皇初郡廢十六年于縣置汾州十八年改曰呂州又改縣曰霍邑大業初州廢縣屬臨汾郡

義甯元年置霍山郡唐武德元年復曰呂州貞觀十七年州廢
縣屬晉州宋屬平陽府金貞祐三年置霍州治霍邑縣興定元
年置鎮定軍節度元仍曰霍州屬晉甯路明洪武初省縣入州
屬平陽府

本朝乾隆三十五年升為直隸州以趙城靈石二縣隸焉

州境

東西距八十里

入到

南北距二百二十五里

東至沁州沁源縣界五十里
西至汾州府汾西縣界三十里
南至平陽府洪洞縣界七十里
北至汾西縣界一百五十里
東南至平陽府浮山縣界一百五十里
西南至隰州蒲縣界一百五十里
東北至汾州府介休縣界一百五十里
西北至汾州府孝義縣界二百四十里
自州治至京師一千五百五十里

土貢

石炭 黑瓷

管縣二

趙城 靈石

霍山在州東南南接趙城洪洞二縣界即古太岳也尚書禹貢
既修太原至于岳陽壺口雷首至于太岳周禮職方氏冀州其
山鎮曰霍山爾雅西方之美者有霍山之多珠玉焉班固云崑
縣霍太山在東北

崑水在州南源出石鼻谷西流至州城西南入汾水

呂坂在州西南李吉甫云有呂鄉晉大夫呂甥之邑也呂州取
名于此又千里徑在城東

霍城在州西南十六里周武王初封弟叔處于霍左傳閔公元
年晉侯滅霍又崑城在州東北唐城在州西

周厲王陵在州城內王出奔崑因葬此

趙城縣

衝北至州二十五里

有梗壁一堡

周為趙城穆王以封造父漢為疑縣地後漢為永安縣地隋為霍邑縣地義寧元年析置趙城縣屬霍山郡唐武德初屬呂州貞觀十七年屬晉州宋熙寧五年省入洪洞元豐三年復置政和三年升為慶祚軍金復為趙城縣貞祐三年改屬霍州明洪武三年改屬平陽府

霍水源出縣霍山西麓西南流至平陽府洪洞縣北入于汾縣境南北澗水並西流注汾

縣故城在今縣西南明宣德五年稍移東北即今治後魏永安故城在縣東北

趙簡子城在縣東北三里

靈石縣

衝南至州五十里

有瑞石仁義二驛仁義夏門二鎮飯子馬跡三清宋老生四寨

巡檢駐仁義

漢太原郡介休縣地隋開皇十年析置靈石縣屬西河郡義寧元年改屬霍山郡唐武德初屬呂州貞觀十七年屬汾州金貞祐三年屬霍州四年還屬汾州元屬霍州明萬曆二十三年屬汾州府四十三年改屬平陽府

綿山在縣東三十五里一名介山

高壁嶺一名韓信嶺在縣南二十五里

汾水自汾州府介休縣流入縣西南又自汾西縣逕州西及趙城仍入平陽府界

元小靈石廢縣在縣北五十五里

陰地關在縣西南新唐書靈石縣有陰地長甯二關又汾水關在縣西南汾水上冷泉關在縣北四十里

解州

繁難

有長樂一鎮陽關一寨巡檢二駐長樂及鹽池

原額人丁六萬九千七百四十一更名屯丁三百六十

又滋生人丁二千零一

漢河東郡猗氏及解縣地後魏南解縣地隋大業九年移置虞鄉縣唐武德元年改為解縣屬虞州貞觀十七年省二十二年復置屬蒲州開元八年屬河中府五代漢乾祐元年于縣置解州金初置解梁郡後廢貞祐三年升為寶昌軍節度興定四年徙治平陸元仍治解州明洪武初以州治解縣省入屬平陽府本朝雍正二年升為直隸州鹽運使暨運同轄三鹽場大使及糧捕水利州判並駐運城

州境

東西距二百二十五里

八到

東北至絳州垣曲縣界二百五里
西至蒲州府虞鄉縣界二十里
南至河南靈寶縣界六十里
北至蒲州府猗氏縣界三十里

東南至河南陝州界一百里
西南至河南閩縣界一百二十里
東北至絳州聞喜縣界一百二十里
西北至蒲州府臨晉縣界三十里
自州治至京師一千四百五十里

土貢 銀 銅 鐵 錫 鹽 礬 葡萄 藥

管縣四

安邑 夏 平陸 芮城

中條山在州南二十里亦曰薄山跨安邑夏平陸芮城四縣界鹽水在州北源出夏縣南中條山一名白沙河逕縣南會永豐渠入安邑縣逕鹽池北又西逕州城北又西入蒲州府五姓湖濁澤在州西二十里一名涿澤史記韓趙合伐魏戰于濁澤鹽池在州東三里安邑縣西五里左傳郇瑕氏之地沃饒而近鹽班固云安邑縣鹽池在西南酈道元云池長五十一里周一

百十四里宋分爲東西兩池各置鹽場一明初併爲東西二場
成化二十一年增置中場又女鹽池在州西北鄆道元云鹽池
西又有一池謂之女鹽澤東西二十五里南北二十里李吉甫
云鹽味少苦不及大池

白城在州西北亦名曰衰左傳僖公二十四年濟河取曰衰

安邑縣

衝繁難西南至州五十五里

有泓芝一驛聖惠東郭二鎮巡檢駐聖惠

漢安邑縣地後魏太和十一年始分置南安邑縣屬河北郡隋
曰安邑開皇十六年于縣置虞州大業初州廢義甯元年置安
邑郡唐武德元年復曰虞州貞觀十七年州廢屬蒲州乾元元
年改曰虞邑割屬陝州大歷四年復曰安邑元和三年屬河中
府五代漢乾祐元年改屬解州

吳山在縣東南三十二里跨夏縣平陸界一名虞山一名吳坂

戴延之曰自上及下七山相重樂史云春秋僖公二年晉假道
于虞以伐虢卽此路也

鳴條岡在縣北一名高侯原尙書伊訓造攻自鳴條按岡南有
帝舜陵高三丈廣四十餘步有祠孟子曰卒于鳴條疑舜陵當
在此

南安邑故城在縣西一里唐興樂廢縣在縣西北

司鹽城在縣西南十五里今名運城史記秦昭襄王十一年齊

韓魏趙宋中山五國共攻秦至鹽氏而還

昆吾亭在縣西南一里古昆吾國也

夏縣

衝難西南至州一百里

有曹張胡張水頭裴介四鎮

夏都安邑戰國魏都漢置安邑縣爲河東郡治東晉移郡治蒲
坂後魏改縣曰北安邑太和十一年屬河北郡十八年改曰夏

縣置安邑郡隋開皇初郡廢屬蒲州大業三年屬河東郡唐武德初屬虞州貞觀十七年州廢屬絳州大足元年屬陝州尋還屬絳州乾元元年又屬陝州金改屬解州

巫咸山在縣東班固云安邑縣無咸山在南又溫泉山在縣東南一百里中有礦洞出銀

凍水自絳州聞喜縣西南流入縣北逕縣西三十里又逕安邑縣入蒲州府界

安邑故城在縣北周三十里西南遺址尙存

夏后氏陵在縣西池下王村里按夏代惟禹陵在浙江少康陵相傳在河南太康縣西蓋啟以下諸王之陵皆在此

平陸縣 簡西北至州九十里 有張店張谷常樂葛趙茅津洪池六鎮巡檢駐茅津

春秋晉大陽邑漢置大陽縣屬河東郡後魏太和十一年移河

北郡治此天和二年改縣曰河北隋開皇初郡廢唐初屬蒲州貞觀元年改屬陝州天寶三年改曰平陸金改屬解州興定四年移州來治元仍屬解州

底柱山在縣東五十里大河中流南與河南陝州接界尚書禹貢底柱析城罕耳山在縣西北國語齊桓公縣車束馬踰辟耳山之谿拘夏史記上罕耳之山韋昭注罕耳即辟耳

傳巖在縣東北二十里尚書說命說築傳巖之野今名隱巖社顛軫坂在縣東北七十里左傳僖公二年冀爲不道入自顛軫又閔原在縣西即虞芮二君所爭之田也相近又有其池左傳虞公出奔其池即此

開元新河在縣東南三門山北唐開元末陝郡太守李齊物鑿砥柱爲門以通漕縣境薄水南侯澗交澗路澗沙澗咸陽澗等

並注河

大陽故城在縣東北十五里春秋公羊傳晉敗茅戎于大陽
虞城在縣東北六十里一名吳城史記武王封虞仲于周之北
故夏墟班固云大陽縣吳山上有吳城下陽城在縣東北春秋
僖公二年虞師晉師滅下陽又有郟城左傳冀為不道入郟三
門縣西南有茅城文公三年秦伯伐晉自茅津濟是也
芮城縣難東北至州七十里

春秋晉畢萬邑漢置河北縣屬河東郡後魏改屬河北郡西魏
改置安戎縣後周明帝三年改曰芮城唐武德二年于縣置芮
州貞觀元年州廢屬陝州金改屬解州

黃河自蒲州府東流入縣南又逕平陸縣入絳州界縣境涇水
共水並注河其水今名朱呂溝山海經甘棗之山其水出焉

河北故城在縣東北里許

絳州繁難

原額人丁九萬八千三百九十二更名屯丁二百八十七
又滋生人丁二千七百一十四

秦以前同平陽府漢置臨汾縣屬河東郡晉改屬平陽郡後魏
世祖于縣置東雍州及南太平郡神麿元年改郡曰征平太和
十八年州廢郡改曰正平東魏天平初復置東雍州後周武成
二年改曰絳州隋開皇初郡廢十八年改臨汾縣曰正平大業
初州廢改曰絳郡唐武德元年罷郡置絳州總管府三年府罷
為絳州天寶初復曰絳郡乾元元年復曰絳州宋曰絳州絳郡
金天會六年置絳陽軍節度使興定二年升為晉安府元復曰
絳州屬平陽路明洪武初省州治正平縣入州屬平陽府
本朝雍正二年升為直隸州

州境

東西距一百三十五里

八到

東至平陽府曲沃縣界十里
南至陝西韓城縣界一百二十五里
西至平陽府夏縣界八十里
北至平陽府太平縣界二十里
東南至蒲州府榮河縣界一百四十里
西南至平陽府鄉寧縣界五十里
自州治至京師一千八百里

土貢

贛布 穀 蠟燭 瓊琰 胡桃 棗 梨 錠 銅 鐵 膽礬
蟾酥 蠟燭 胡椒 棗 梨 錠 芫花 藥 羊 馬

管縣五

聞喜 河津 稷山 絳 垣曲

鼓山在州西北九原山在州北二十里晉大夫趙盾墓所

汾水在州城南門外自平陽府太平縣流入涇州東與曲沃縣分境又西逕稷山縣界至河津縣南入河澮水在州南七里自

平陽府翼城縣流逕絳縣東北又西逕曲沃縣流至州南注汾

水縣境古水修水並注汾

正平故城在州西南漢長修故城在州西北臨汾故城在州東北二十五里

荀城在州西十五里古荀國又州西南二十里有柏壁城

聞喜縣

衝繁難北至州七十里

有涑川一驛上東下東橫水裴社宋店郭店栗村蘭德八鎮含口一口

春秋晉曲沃邑秦改曰左邑漢元鼎六年分置聞喜縣皆屬河東郡後漢為聞喜邑省左邑入之晉仍曰聞喜縣後魏改屬正平郡隋屬絳郡後改為桐鄉唐武德元年復改聞喜屬絳州五代漢屬解州

本朝雍正二年改屬絳州

景山在縣東南三十里卽中條最高峯景水出焉西北流注于涑水山海經云景山南望鹽坂之澤北望少澤其陰多赭其陽多玉李吉甫云舊產銅唐置冶于此

涑水在縣東南源出絳縣陳村峪伏流至柳莊復出西入縣境迳南門外又西南入解州夏縣界左傳成公十三年晉呂相絕秦曰伐我涑川縣東南又有洮水源出絳縣清野山山烟莊谷俗名橫嶺山西流合涑水左傳昭公元年子產曰臺駘能業其官宣汾洮又縣境沙渠水亦注涑水

美陽川在縣南四十里一名美良川新唐書秦王世民破劉武周于美良川

董澤在縣東北四十里古豢龍氏董父居此故名縣故城在今縣西南

王官城在今縣南十五里左傳俘我王官卽此又周陽城在縣東三十九里菑城在縣東六十里燕熙城在縣北晉太元十一年西燕慕容永立慕容忠爲帝至聞喜聞慕容垂已稱尊號不敢進築燕熙城居之

河津縣 衝繁東至州一百里

有方平禹門東張僧樓四鎮西墜一口巡檢駐禹門

商時耿邑後爲耿國春秋晉大夫趙夙采邑戰國魏皮氏邑秦置皮氏縣漢屬河東郡晉屬平陽郡後魏太平真君七年改曰龍門屬高涼郡後置龍門郡隋開皇初郡廢屬絳州十六年割屬蒲州大業三年屬河東郡唐武德元年屬秦州二年自汾陰徙秦州來治貞觀十七年州廢屬絳州大順二年改屬河中府宋宣和二年改曰河津明屬蒲州本朝雍正二年改屬

龍門山在縣西北二十五里有關西與陝西韓城縣龍門山對峙中通河流形如門關尚書禹貢雍州浮于龍門西河又導河積石至于龍門

黃河在縣西十五里自平陽府鄉寧縣南流入縣西河之西岸

為韓城縣又南歷蒲州府永濟解州芮城二縣界東流入垣曲

縣與河南澠池縣對岸又東流入河南濟源縣界

皮氏故城在縣西二里唐萬春故城在縣東北南北朝周齊分界處

耿城在縣南左傳閔公元年晉侯滅耿蜚廉城在縣南七里

冀亭在縣東北春秋時國名左傳僖公二年荀息曰冀為不道

又岸頭亭在縣南即古岸門

稷山縣 難東至州五十里 有小河翟店下廸大杜四鎮磨軍一寨

漢聞喜皮氏二縣地後魏太和十一年分置高涼縣兼置高涼

郡西魏改龍門郡後周保定初置勛州總管府隋開皇初州移

郡廢十八年改縣曰稷山屬絳州唐光化初改屬河中府五代

唐同光二年還屬絳州

稷山在縣南左傳宣公十五年晉侯治兵于稷

華水在縣北亦曰清水亦曰黃華谷澗西南流入汾

高涼故城在縣東南

清原城在縣東南左傳僖公三十一年晉蒐于清原玉壁城在

縣西南後魏大統四年東道行臺王思政表築玉壁城因自鎮

之又平隴城在縣西華谷城在縣西北齊武平二年斛律光率

衆築平隴等鎮戍十三所

絳縣 簡西北至州八十里 有滄交一鎮沙峪一口范村一寨

漢聞喜縣地後魏太和十八年置南絳縣建義初又置南絳郡
西魏恭帝郡縣皆去南字後周初置晉州建德中州廢隋開皇
初郡廢屬絳州義甯元年屬翼城郡唐武德初屬滄州四年屬
絳州金興定四年割屬翼州元仍屬絳州

本朝雍正二年屬平陽府八年還屬

教山在縣東南一名歷山山海經教山教水出焉又備窮山在
縣東北二十五里出鐵鉗

絳水在縣西北又西北入曲沃縣界

南絳故城在縣東南

垣曲縣繁西北至州二百十里

有鼓鐘一鎮迎駕六郎二

戰國魏王垣邑漢置垣縣屬河東郡後魏皇興四年改置白水
縣兼置邵上郡太和中郡廢屬河內郡孝昌中復置邵郡後周

世宗元年于郡置邵州武成元年改白水曰亳城隋開皇初郡
廢大業初州廢改亳城曰垣縣屬絳郡義甯元年于縣置邵原
郡唐武德元年復曰邵州九年州廢屬絳州龍朔二年改屬洛
州乾封二年還屬絳州天授三年又屬洛州長安二年還屬絳
州貞元三年改屬陝州元和三年還屬絳州宋改垣曲縣金興
定四年割屬翼州元初仍屬絳州至元二年省入絳縣十六年
復置

本朝雍正二年割屬解州八年還屬

鼓鐘山在縣東北六十里山海經鼓鐘之山帝臺之所以觴百
神三錐山在縣北八十里舊嘗產銅王屋山在縣東北一百里
與澤州府陽城縣河南濟源縣接界山海經王屋之山是多石
澗水出焉郭璞注今在河東垣縣北澗沈聲相近一水耳即濟

也班固云垣縣禹貢王屋山在東北沈水所出

教水在縣東山海經西流注于河是水冬乾而夏流實惟乾河

注今聞喜縣東北有乾河口縣境倚毫水棗澗水並會清水注

河

垣縣故城後魏清廉故城並在縣西

陽壺城在縣南一里春秋晉瓠丘邑左傳襄公元年晉人以宋

五大夫在彭城者歸寘諸瓠丘又皋落城在縣西北五十里閔

公二年晉侯使太子申生伐東山泉落氏

隰州

有義泉張家川羅真蒿成大麥辛莊西曲回龍九鎮紫荆一寨石口一口巡檢駐廣武嶺

原額人丁一萬一千八百六十九

又滋生人丁三百一十一

春秋晉蒲邑漢置蒲子縣屬河東郡三國魏屬平陽郡晉永嘉

元年劉淵都此三年淵徙平陽于此置大昌郡後廢後魏延和

三年置鎮太和十二年置汾州及五城郡孝昌中陷後周復置

汾州大象元年兼置龍泉郡及長壽縣隋開皇初郡廢改縣曰

隰川四年置西汾州總管府五年改隰州大業初府廢尋復為

龍泉郡唐武德元年復曰隰州二年復置總管府貞觀三年府

罷天寶元年改大寧郡乾元元年復曰隰州宋仍曰隰州大寧

郡金天會六年曰南隰州天德三年仍去南字元屬晉寧路明

洪武二年省州治隰川縣入州屬平陽府

本朝雍正二年升為直隸州

州境

東西距二百五十里南北距二百九十五里

八到

東至平陽府汾西縣界九十里西至陝西府吉州界一百三十里

南至平陽府鄉縣界一百六十里北至汾州府甯鄉縣界一百三十里

東南至平陽府臨汾縣界一百三十里西南至陝西府宜川縣界一百五十里

東北至汾州府孝義縣界一百十里
西北至汾州府石樓縣界五十里
自州治至京師一千七百里

土貢 蜜 蠟 麝香 胡女布 龍須席

管縣三

蒲 大寧 永和

蒲水源出永和縣信北山東南流至州西南合紫川河及蒲峪河又西南流過作城入大寧縣界名昕川又名曰斤川西流至馬門關入黃河州境黃盧水注蒲水
蒲子故城在州東北八十里龍泉故城長壽故城並在州北後魏新城故城在州東北唐白龍廢縣在州西南金件城廢縣在州南

蒲城在州西北左傳僖公四年重耳奔蒲又橫城在州南石阿

城姚岳城長守城並在州北

蒲縣 簡西北至州一百十里

有化樂張村喬灣薛關古驛松峪六鎮

漢蒲子縣地後魏世祖分置定陽縣太和二十一年改曰石城屬五城郡後兼置石城郡後周末郡縣俱廢改置蒲縣隋屬龍泉郡唐武德二年置昌州貞觀元年州廢屬隰州金興定五年陞為蒲州元仍曰蒲縣至元三年省入隰州後復置明洪武二年改屬平陽府

本朝雍正二年屬吉州九年改屬

五禿山在縣東北五十里李吉甫云山少艸木故名

縣故城在今縣西十五里唐武德元年移今治五城廢郡後魏石城廢縣在縣東南蒲州廢縣在縣西北四十里唐常安廢縣在縣西南四十里

大甯縣

簡東北至州九十里

有安阜一鎮小馮一寨

漢北屈縣地後魏五城縣地後周武帝分置大甯縣屬汾州隋大業初省入五城唐武德二年復置兼置中州貞觀元年州廢屬隰州金興定五年改屬蒲州元至元三年省入隰州至正三年復置仍屬隰州

孔山在縣西酈道元云溪口水出孔山山上有穴如車輪三所東西相當相去各二丈許南北直通故謂之孔山

縣故城在今縣南隋開皇二十年移今治縣南又有唐大義廢縣

永和縣

簡東至州九十里

有桑壁峒口劉臺三鎮

漢置狐讎縣屬河東郡後漢省三國魏復置晉屬平陽郡後魏大延二年省北齊後主置永和鎮後周宣帝廢鎮置臨河郡及

縣屬汾州隋開皇初郡廢十八年改縣曰永和屬龍泉郡唐武

德二年于縣置東和州貞觀元年州廢屬隰州迄今不改

樓山在縣南三十五里南樓山在縣南六十里

黃河自汾州府石樓縣南流入縣西七十里與陝西延川縣對

岸又南流至大甯縣西七十五里對岸為陝西宜川縣又南流

入平陽府吉州界縣境仙芝水注河

狐讎故城在縣西南後周樓山廢縣在縣南

永和關在縣西七十里渡河即陝西延川縣延綏關李吉甫云

永和縣以關得名

歸綏七廳在殺虎口外直隸于歸綏道各轄巡檢一員分巡歸

綏道駐綏遠

廳境

東西距四百餘里
南北距三百七十里

東至鑲藍旗察哈爾界

西至鄂爾多斯界

南至邊城界

北至四子部落喀爾喀右翼茂明安各蒙古界

自歸化綏遠二城至京師一千一百八十餘里

歸化城同知廳在殺虎口北二百里雍正元年設同知治此管
理民人事務乾隆二十五年定各地方歸五通判分管其刑名
各事務由歸化城同知核轉

綏遠城同知廳在歸化城東北五里乾隆元年建城四年設同
知管理蒙古民人事務二十五年定五通判錢穀事務由綏遠
城同知核轉

歸化城通判廳乾隆二十五年定設下並同並分管蒙古民人
事務

和林格爾通判廳

薩拉齊通判廳

清水河通判廳

托克托城通判廳

皇國風土異國志卷之三十三

曾孫用勲校刊



天
地
人
三
才